

四庫全書

經部

欽定四庫全書

經部
易纂言卷二

詳校官內閣學士臣瑞保

通政使司副使_臣莫瞻菴覆勘

總校官檢討_臣何思鈞

校對官中書_臣李槃

謄錄監生_臣王貽桂

欽定四庫全書

易纂言卷二

元 吳澄 撰

下經第二

此篇起咸恒終既濟未濟對體之卦二反體之卦十六反體一卦為二卦總計

三十四卦謂之下經



艮下 兌上 七之二下之一經

咸

此義望艮下兌上之卦而文王名之曰咸咸交感也

以少男下于少女男下女上男內女外夫婦之交感也卦自否變三上和易否上下不交今三之陰升亨占上而交乎陽上之陽降三而交乎陰交感之義也

利貞

占

取女吉

占也

其占亨又利于貞又為取女之吉占

初六

初之畫得六為咸之革

咸其拇

象也拇足大指初下體之下拇之象初與四正應而四舍

初將欲取近故初欲舉趾而往就四也有象无占

六二

六居第二畫為咸之大過

咸其腓

象也腓足肚也在踝之上膝之下足之中也二下卦之中

故象腓腓隨股而動三為股二不能遠俟正應之五而近咸所比之三故曰咸其腓凶占也咸近

比故居吉

占也居謂止而不動以俟正應之東咸不自動以咸三也范氏大杜曰六爻皆應所以為

咸然諸爻皆舍應取近故離卦云咸速也二取三則失正而止而待五之咸則善故曰居吉居者艮止象

九三

九居第三畫為咸之革

咸其股

象也四為身二為腓三在腓之上身之下股也二三因為

翼亦為股腓隨股而動腓動則股動執其隨象也執猶

矣二感三而三亦感二故曰感其股詩執我仇

仇之執謂係戀之也隨往吝占也三有正應在上乃下

者隨從之人謂二也隨往吝占也三有正應在上乃下

心貳乎邪迹徇乎正可羞吝也崔氏憬曰二

隨于已志在所隨而遂往感上失義故吝

九四九居第四畫貞吉占也四居三剛之中悔亡占也

當位宜有悔以貞吉故其悔亡象也憧憧思

毛氏璞曰易言悔亡自此爻始慮不定貌變

剛為柔則是內易所守而思慮不定也往謂四

變為柔而上感五來謂五因四感而下感四也

朋從爾

思象也朋謂同類四五皆陽故以五為朋爾思猶逸詩

應在初下感正應則貞吉悔亡若變為柔上感所比之

五五朋來從其從者思爾之人也言私心之從非公

易纂言

二

至正之
感也

九五

九居第五畫
為感之小過

咸其脢

象也脢夾脊肉前與心對而
稍近上五當心位而中正下

與中正之二為正應咸之時欲速相感近感所比而不
感正應二既欲不感五而感三五亦欲不感二而感上
是不以其中正之心相感乃以其
非心之處相感也故曰咸其脢
无悔
正相感故僅可

无悔
而已

上六

上之畫得六
為咸之遯

咸其輔頰舌

象也兌為口輔頰在口
旁舌在口中輔牙車之

外頰之裏也頰兩臉輔之表也輔頰舌皆口之所以言
者口有言則輔頰舌動也上與三正應三感二而舍上
故上于口舌之間言之不已猶婦人之夫舍其配偶而
貳于他人故其婦有怨言責言也案咸卦六畫各有正

應然成感之時欲速感而不能久俟故諸爻遠舍正應而近取所比二感三三感二五感上皆舍其正應而所感非正四本无他感而變為柔以感五亦不正也唯初上二爻雖為正應所舍然其心不敢有他初在下故舉趾以往就于四上在上故滕口以怨責于三此二爻之德視諸爻為善爻辭无占者蓋二爻之德雖无凶悔吝之盛而難必其得吉无咎之應也衛莊姜之為人婁楚屈原之為人臣其亦若此者與

六畫俱六九
為咸之損

經彖辭凡七字爻辭凡五十一字取七具切
拇芒苟切腓房非切憧吕容切悔芒杯切頰
兼叶切註少詩詔切舍音捨後竝同蹀户
瓦切隨從才用切處昌據切耆與音余



巽下
震上

○五之四下之一經
三陽泰變主初六

恒

此義呈巽下震上之卦而文王名之曰恒恒常久也程子曰咸少男在少女之下以男下女交感之義恒

長男在長女之上男尊女卑居室之常論交感之情則少為深切論尊卑之叙則長當謹正故兄昆為咸而震

巽為恒也男在女上男動于外亨占无咎占也程子曰女順于內人理之常故為恒也

亨恒而能亨乃无咎也恒而不亨占利貞占也貞者正主其可以亨非可常之道為有咎也

利有攸往

占也卦自泰變陽自初往四恒非一定不易之謂故利有所往

初六

初之畫得六為恒之大壯浚恒象也恒者夫婦居室之常也內

爻辭內三爻言婦道外三爻言夫道浚掘而深之也初地之下有浚象婦道雖以卑巽而貴得中初巽體之下

卦變自四降初卑巽而入居至下之處猶不居地上而掘地及泉婦之初歸以此為常才弱志卑退處深入內

職不修者

貞凶

占也卑巽之至不能正主事者也故凶

无攸利

占也雖不正主事亦无所

利內之三爻初不及三過唯二得中也

九二

九居第二畫為恒之漸

悔亡

占也婦以柔順為正二以剛居內卦之中中得婦位而剛非婦

德有悔者也然應五之柔蓋賢婦配懦夫夫之才弱其剛也不得已以濟夫之不及而又居柔則剛柔適中而非過于剛也故其悔亡

九三

九居第三畫為恒之解

不恒其德

象也一與之齊終身不改此夫婦常久之道婦居中

主饋常久不變者也德謂食物詩言既飽以德是也三以剛居剛位不在中婦之悍戾遭出者不得常其主饋之職故曰或承之羞象也或者无所指定之辭或嬖妾不恒其德或賤人不知其為誰非可主饋者

也承以手奉而進之也羞食之加饌非正饌也主饋者既出不得以職其職或人非可以主饋而代之所承而進者又非正

貞吝

占也非可以主饋之人而正主事其可吝也

九四

九居第四畫為恒之升

田无禽

象也國風女曰雞鳴之詩曰特將翔弋鳧與鴈弋言加

之與子宜之蓋弋獵於外者夫之事也雖於內者婦之職四震男之初卦變自初升四為外卦之主而居不當位夫不夫矣爻位四為上卦之地故曰田不成坎象故曰无禽田无禽者弋獵於外而无所獲无以供中饋之

烹飪也居柔失夫之剛蓋无才而非有慈也故不言凶悔吝

六五

六居第五畫為恒之大過

恒其德

象也外卦之中夫之正位互卦兌女之終居之女歸夫家

終其身唯酒食是義故曰恒其德

貞婦人吉夫子凶

占也柔中婦道之善故如此而正主

事者在婦人則吉若夫子則凶蓋五位以震男居外卦之中而為夫然柔非男子所宜也

上六

上之畫得六為恒之鼎

振恒

象也振者于終而奮也上震動之極然柔而不夫久矣今變

柔為剛不安于弱而為常凶

占也質本柔也乃變為剛而奮迅于終是欲強其才之所不能

也為能變弱而為強戰故凶

六畫俱六九為恒之益

經彖辭凡十字爻辭凡四十七字恒胡登切

浚荀閑切振之又切註少詩詔切長知兩切

掘權月切處昌據切饋權位切悍侯玩切奉

父勇切饌秦憊切烹丕庚切能忍審切逃音

信強其

其兩切



艮下 乾上 ○ 七之一下之二 緯
二陰辟主六二

遯

此義皇艮下乾上之卦而丈王名之曰遯二陰長而消二陽夏正六月之卦也二陰浸長而四陽退避之

也

王氏弼曰柔長故剛遯

亨

占也此占謂四陽也時

小

劉氏牧曰逃內而之外也

當遯而遯所以亨也

小

利貞

占也此占謂二陰也陰得時得志故小者利于正主事

初六

初之畫得六為遯之同人

遯尾

象也四陽在前遯去而初之一陰最在後如獸之尾故曰遯尾

厲

占也陰道雖長然四陽尚盛初以下陰柔敵之危之道也戒陰之進使之知所畏憚不敢前進以消陽

也勿用有攸往

占也止于初而不進以逼陽則庶乎可免矣故戒以勿用有所往也此卦本謂

四陽去以避陰之進而聖人設教又欲陰勿進以避陽之盛其意深遠矣

六二

六居第二畫為遯之姤

執之用黃牛之革莫之勝說

象也執謂拘留

之也二下卦之中為黃坤為牛而上畫變成艮是牛外之皮變矣故為革陰之勢浸長欲其留止勿進故拘執之以黃牛之革使之不可解說而去聖人慮陰之長而欲遏其進也如此

九三

九居第三畫為遯之否

係遯

象也陰浸長陽當避之而三與二比有所私係故曰係遯

有

疾

占也陰侵陽疾也

厲

占也治疾者去陰邪則瘳矣今係戀于陰則疾不除故為有疾而危厲

畜

臣妾吉

占也以三之陽係戀于二之陰施之于畜養臣妾則吉也臣妾謂下二陰初位剛臣也二位柔

也

九四

九居第四畫為遯之漸

好遯

象也陰消陽之時而四應初與之和好故曰好遯三與二私比

也故為係戀四與初
正應也故為和好

君子吉小人否

占也雖有和好亦
宜避去唯君子見

幾之明避禍之決乃能如此故吉若小
人則必昵于情好而不善矣否不善也

九五

九居第五畫
為遯之旅

嘉遯

象也五與二中正相應如嘉耦
然雖嘉耦亦當避之故曰嘉遯

四與初皆不正故其相應謂之好言以情合也
五與二皆中正故其相應謂之嘉言以禮合也

貞吉

占也

遯之時好與嘉皆不當顧唯當遯去四不正未必能遯
故兩開君子小人之端五中正故正主事而吉言不以
嘉耦而係其志也

上九

上之畫得九
為遯之咸

肥遯

象也上卦乾三陽四五皆應陰
唯上无應无私昵之累則心廣

體胖故
曰肥遯

无不利

占也遯宜在人先上九遯之先也遯去
而最先脫然无所累遯之最善者故其

占无不利

六畫俱六九為遯之臨

經彖辭凡五字爻辭凡五十七字勝音升說吐活切好虛到切否音鄙註長知兩切解音蟹去音邪起呂切瘳音抽累郎遂切辟音盤



乾下震上○一之四下之二緯四陽辭主九四

大壯

此義皇乾下震上之卦而文王名之曰大壯四陽長盛消陰已過其半夏至二月之卦也大謂陽也

壯強盛也陽長至四利貞占也陽壯盛故利于正主事大者強盛故曰大壯利貞遯二陰長則小者利于貞大

壯四陽盛故大者利于貞也

初九

初之畫得九為大壯之恒

壯于趾

象也初陽居剛當陽壯之時猛于前進故曰壯于趾

征

凶

占也恃陽之壯盛而猛于前進非善處壯者也故以征則凶

有孚

占也四為壯之主牽聯四陽以

進以同德同位而孚于初志在同進也

九二

九居第二畫為大壯之豐

貞吉

占也以剛居中中而不過故不恃其壯以之正主事則吉也

九三

九居第三畫為大壯之歸妹

小人用壯君子用罔

占之戒辭也以陽居剛而不中過于壯者也故戒之曰小人乘時恃勢則用其壯

君子則不然故用其罔罔无也勢雖壯盛而不自恃嫌

然若

貞厲

占也剛過而不中以正主事則危

羝羊觸藩羸其角

象也大壯者複

體之兌九三變為柔則下卦又成兌兌為羊羝壯羊也陽之壯盛故象羝羊羸傷損也九三過用其剛如羝羊

之喜觸九四剛畫在前如藩籬然進而觸之必靡毀其
角大槪陽盛之時不宜過剛二居柔得中則吉初與三

以剛居剛則占皆不吉也聖人雖喜陽
之進盛而猶抑其太過以示教戒也

九四為大壯之泰貞吉占也以剛居柔善處
悔亡居不

當位本當有悔為其以柔
濟剛而處壯故其悔亡
藩決不羸象也變為柔則二

當四前其畫斷而不連如
藩籬決開不至羸羊之角
壯于大與之輟象也坤為大

之下以剛承上與下之輟也剛畫故壯四為壯之主
爻以柔濟剛而進如大與之輟強壯而可以行也

六五為大壯之夫喪羊于易象也三四五互兌為羊五
變為剛則非羊矣易謂彊

場邊界將盡之處也上乃彊之盡處而五
近之故為易謂喪其羊于疆場之間也
无悔占也象
曰喪羊

而占乃云无悔者謂羊若羣行而陰狼乘身則悔无陰狼所以无悔

上六

上之畫得六為大壯之大有

羝羊觸藩不能退不能遂

象也三

兌為羊成羣狼進六五變剛則非羊矣故其爻辭曰喪羊其不變則羊之狼進者自若上六之柔變為剛如藩籬之當其前羊狼進既不能退前阻于藩又不能遂其進也

无攸利

占也狼進不能遂故无所利

艱則吉

占也能知其艱難而不狼進則可以言吉

六畫俱九六為大壯之觀

經彖辭凡四字爻辭凡七十六字羝音低羸力追切輟音服喪息浪切易音卦註長知兩切為其云偽切



坤下 八之三下之三緯
離上 四陰觀變主六五

晉

此義望坤下離上之卦而文王名之曰晉晉進也離日出坤地之上進進而麗于天中卦自觀變四之柔

進居五在下之眾民進而仰觀在上之文明故為晉也

康侯用錫馬蕃庶晝日三

接

占也坤臣道也日君象也下坤進而上瞻離日有諸侯朝貢天子之象離日下照坤土有天子禮接侯國

之象康侯安康之侯猶考工記所謂寧侯也錫下錫上也猶納錫大龜禹錫玄圭之錫蕃庶多也案觀禮享之

時匹馬卓上九馬隨之故曰蕃庶侯馬蕃庶皆以坤取象六五離日當中天之位故曰晝日三接者王接侯之

禮觀禮延升一也觀畢致享升致命二也享畢王勞之升成拜三也三四五互坎三坎數也

初六

初之畫得六為晉之噬嗑 晉如摧如象也摧抑退也柔順居下力弱難進將進而又抑退

欽定四庫全書

易纂六

卷二

九

故曰晉貞吉

占也順德不急于進

罔孚

占也四為正應而不與之孚故

如摧如

唯自以正主事故吉

罔孚

占也四為正應而不與之孚故

曰罔裕无咎

占也裕饒益也心泰无不足之意人雖罔孚處之泰然不急于求孚而終必得其孚

故无

咎

六二

六居第二畫為晉之未濟

晉如愁如

象也進而无應于上故愁以陰居陰前後皆陰盛

多慘有貞吉

占也中正故正主事而吉

受茲介福于其王母

占也介大也五

君位以陰居尊王母之象爾雅曰父之妣為王母以六

二而言六三之陰在巳上猶母也九四之陽尊于母猶

父也六五之陰又尊于父猶王母也二與五德同位應

進而感格于五猶順孫之享王母王母降介福于二而

二受之也朱子以此

為享先妣之吉占

六三

六居第三畫
為晉之旅

衆允

象也坤為衆允與軌通進也三在坤衆之先率衆同進故曰衆

允案易中以允字為象者二此爻及升初六也說文引升初六爻辭為軌升其字從本從少諧允聲本者進趨少亦進而上徹之意古者鐘鼎銘用諧聲字多只用偏旁蓋從省也此爻允字亦當依說文所引升初六之辭作軌乃悔亡占也居不當位宜有悔也然坤順之極前叶象義

悔亡

導二陰進順乎上衆進而進故其悔亡

九四

九居第四畫
為晉之剝

晉如鼫鼠

象也鼫與碩同子夏傳鄭氏皆作碩說者因鼫字指

為五技而窮之鼠遂謂之鼫蛄失于僻矣碩大也二三四互艮象鼠九陽畫為大鼠畫伏夜動四近天子之光以剛居柔值大明當空之畫畏而不敢進故為鼫鼠

貞厲

占也四之象如此而正主事其進乃危行也

六五

六居第五畫
為晉之否

悔亡

占也柔居尊而不當位宜有悔也以中故悔亡

失得

占也

有失者可得位在中而陰畫虛喪失其中所有之象然陰畫居陽位陰為无陽為有元而有失者可得之象

勿恤

占也又戒之以勿勞于憂恤

往吉

占也往則遇无不利

占也承上

文往字言得剛濟柔則于事无所不利

上九

上之畫得九為晉之豫

晉其角

象也角剛而在上之物以剛居上故象角

維用伐

邑

占之事也三四五互坎有維繫象伐者離為甲冑戈兵之象邑者下卦坤所象也進貴乎柔進之極而以

剛居上但可因下人之維繫用之以伐畿內未順乎上之邑而已

厲

占也位高故危吉

占也民之心服

故无咎

占也以吉故无咎

貞吝

占也剛伐進極僅可用之以伐邑雖吉而无咎正主其事者亦

也可吝也

六畫俱六九
為晉之需

經彖辭凡二十字又辭凡七十一字舊音煩推
罪雷切脆音碩註朝音潮勞力到切執音允

本音滔少音徹省所梗切
傳直戀切螻音樓姑音姑



離下
坤上

○三之八下之三緯
二陽臨變主六二

明夷

此巖皇離下坤上之卦而文王名之曰明夷夷傷
也字與瘕通日入地下掩蔽其明而不見若有傷

之者然故
曰明夷

利艱貞

占也明者遭傷艱難之時
也利于艱難而正主事

初九

初之畫得九
為明夷之謙

明夷于飛垂其翼

象也明夷者明而
遭傷之人謂六二

也六二明夷之主爻初九六二九三所謂明夷者皆指
六二而言于飛謂自二升三也卦有臨變變臨之九二升

為九三而成明夷初畫若變為柔則自初至五有飛鳥之象三象鳥身初二四五象鳥翼以小過飛鳥之象擬之鳥翼皆是耦畫明夷之初為鳥翼而其畫奇又居地下之位是鳥翼之傷合而不開下垂于地者也鳥之善飛者直翅而上明而遭傷之人如鳥方飛而初之翼下垂何地不能直翅以戾天也此象為六二卦主言非為

初九一畫言也

君子于行三日不食

占也此占乃專就初九一畫言君子謂初行謂道路

初與四應六四互震之中畫為大塗于行謂自初適四也二三四互坎其數三无兌口故不食六二明夷之主明而遭傷垂翼不能去初與二同體亦常靜處以俟出而在路欲就正應必至饑餓三日而不得食明夷之時皆不宜動六二中正能自守者初以有攸往主人有言剛居剛其志不能不動故其占如此

占也往謂往二二為卦主故曰主人初九遠適四則有三日不食之厄近往二則二以其不宜動而動故亦有

言也

六二

六居第二畫為明夷之泰

明夷于左股

象也明夷謂六二左股謂九三二之爻位

在人身為股互震下畫為左九三者六二之左股也六二明夷之主而九三之遭傷者傷于左股也蓋九三之陽乃六二之所以為明者而自二升三逼近坤體受其掩蔽卦之名為明夷正以九三之明遭傷也故曰明夷夷于左股六二為離日之中虛非其受傷之處九三為離日之外明傷者掩蔽其外明也故明之遭傷專指九三言用拯馬壯吉占也拯救也九三為六二之左股雖遭傷然九三陽剛在六二之前互震初畫為鼻足作足之馬互坎中畫為美脊亟心之馬如危難之中用以拯救而得強壯之馬蓋九三雖遭傷而能拯救六二明夷之主也

九三

九居第三畫為明夷之復

明夷于南狩

象也明夷謂六二三為南之位卦變自二升三

故曰南狩如升之卦變自初升三而曰南狩也狩者四時田獵之通名非專言冬也

得其大首

象也

大謂三之陽上畫為首三與上應上者三之首也故曰大首明夷之人狩于南而得大首謂能得上六也說者

以武王伐紂之事譬之

不可疾貞

占也狩獵之事宜武勇乃能有獲正主事者不可示疾疾則怯

弱而損威強春秋時用師者曰擐甲執兵固即死也病未及死豈敢言病奈之何其以病敗君之大事蓋亦此

意若鄭人侵衛而疾作不可以執弓則不可也故曰不可疾貞疾者陰柔之為患六二明夷之主而以柔居柔

然至此之時外既用九三之剛則中不可以復主于柔也故戒其不可疾蓋文王遵養時晦之時可以柔武王

是用大介之時不可以柔也上帝臨汝无貳爾心今日之事有進无退牧野之師王杖鉞麾旄師尚父鷹揚將

士如虎貌熊羆豈可以疾貞哉

六四

六居第四畫為明夷之豐

入于左腹

象也自外來內曰入入者五入之左腹者四也互震

中畫為左四之爻位在人身為腹此言六五下交于四也

獲明夷之心于出門庭

象也

下卦明夷之人謂六三上卦明夷之人謂六五也五柔順得中而无應四與五比四腹五心也三四五艮之反體艮為門闕五在門闕之外門外之庭也五來比四為入于左腹自內往外曰出四往比五為獲明夷之心于出門庭獲心猶詩言實獲我心謂稱彼之心也明夷之時徧地昏暗以一卦言則上坤傷下離之明以各爻言則唯上六居暗極而傷九三之明若六四六五皆有柔順之德五中四正為以柔順中正相親比而處于昏暗之世其譬則微子箕子各敷心腹以相告語自靖人自獻于先王者也五箕子四微子也

六五

六居第五畫為明夷之既濟

箕子之明夷

象也以箕子之賢而為紂所囚明而遭傷

者也六五居中而柔順以自晦箕子之佯狂為奴似之故曰箕子之明夷五之位與離日中畫之虛相應明也

居坤暗之中夷也

利貞

占也猶彖辭之利艱貞也上文有明夷字即艱之義故此不言艱

上六

上之畫得六為明夷之賁

不明晦

象也明指九三而言九三為離日之明上六與之應相應

乃相傷者也九三之明為上六所掩蔽故不明而晦也

初登于天後入于地

象也上六

能用九三正應之明則九三之明往以應上而登于天矣天謂上也儻若商紂能用文王為三公文王之明上

登于天如兩相輝映然則文王之明即紂之明耳惟其不然文王之明入于坤地之下則羗里之囚不相應而

相傷矣非不明晦乎

六畫俱九六
為明夷之訟

經彖辭凡五字爻辭凡八十九字拯之逞切
註彖延知切翅施智切象為非為云偽切明

處昌據切鼻音注危難乃旦切
探音患復主扶豆切稱昌證切



離下
巽上 ○ 三之五下之四緯
八純兌變主六二

家人

此義皇離下巽上之卦而文王名之曰家人卦自
兌變三往易四上來易二上體成長女下體成中

女二女各得正位而有其夫家人者其夫也五為巽
女之夫居三畫卦之人位三為離女之夫居六畫卦之

人位故利女貞
占也宜于女人正主事者以
二女之主爻皆得正位也

初九

初之畫得九
漸閑有家
象也卦之初九言治家之始
事艮為門闕初艮之下畫而

連亘如以木拒門為閑有家者防閑之于初則為悔亡

力易古語曰教子嬰孩教婦初來閑之于初也

占也男女同處不免有悔自初閑之則其悔亡案家人

卦初上二爻以卦之初終取義中閑四爻分上下二體

取義下體在下之家也以有家之臣而言三為夫二為

婦上體在上之家也以有天下之君而言五為王四為

后不取遠應為配而取近比為配者家道尚親也

舊說以二五相應為夫婦皆與各爻象義不協

六二 六居第二畫為无攸遂 象也禮大戴記曰婦人從

順中正上承九三剛正之夫 在中饋 象也居中而主饋

婉婉聽從无或專行者也 者婦人之職故曰

中饋中謂二居下卦之中饋者二三四互

坎二變為剛則二三四互兌有飲食象 貞吉 占也以

順之德在于中饋之婦 六二柔

如是而貞其事則吉也

九三

九居第三畫

家人嗃嗃

象也九三下體之上一家

酷貌

字與煇通如火之炎熾也離火

悔厲吉

占也悔者

上畫以剛居剛過剛不中故象嗃嗃

而有欲改之意治家過嚴則

婦子嘻嘻

象也婦謂二子

傷恩能改悔則雖厲而吉

字與諄通苦熱痛呼之聲也亦于離火取象項氏曰家

人治家者也婦子其所治者也治家失道而強威嚴行

之如谷風之有洗有潰小弁之維其忍之使為婦為子

者嘻歎怨讟則不可嗃嗃嘻嘻只一意非相反之辭嘻

嘻二字在詩之噫嘻禮之嘻其甚矣左氏傳終吝占也

謂改悔其嚴酷則雖厲而吉此占為不改悔者言范氏

大性曰治家雖不可縱弛苟過乎嚴而或近乎酷致婦

子之閒常聞愁恨之聲斯

賊恩之大者故終吝也

六四

六居第四畫為家人之同人

富家

象也陽實為富謂九五也九

王之家也王之富家有四海

大吉

占也大者陽也亦謂九五六四葉順得位

以天下為家者故曰富家王后之賢者也不敢有其吉而以其吉歸之九五娥皇

九五

九居第五畫為家人之賁

王假有家

象也王九五也剛中正居尊位天子之能正其家者

假至也字與格通如舜格于文祖公假于太廟之假有家與初九有家同朱子謂如夙夜浚明有家之有非奄

有四海之有范氏大性謂此言有家猶草渙言有廟項氏謂王假有家王假有廟言王至于家王至于廟也澄

謂王入廟祭告則為假于有廟退朝適寢則為假于有家舜在牀琴文王雖雖在宮之時也

勿恤吉

占也聖人心正身修齊家特其餘事外治內治靡不修舉故至于有家不待憂恤而吉也

上九

上之畫得九為家人之既濟

有孚

占也上九以陽實居最上之位在下者皆以誠心相應也

威如

占之象也身容整肅下皆望而畏之陽剛嚴敬非陰柔寬弛者故威如終吉

占也此卦之終

總言治家之終事下皆有孚而又畏之治家之道如此至終而吉非特暫焉之吉而已

六畫俱九六為家人之解

經彖辭凡五字爻辭凡五十五字饋巨偽切
鳴黑各切嘻嘻悲切假庚白切註長知兩切
亘居鄧切易以趾切沈音光潰胡對切譴徒
谷切升音盤嬪皮賓切大姒音泰朝音潮

離

兌下

○二之三下之四緯
八純異變主六五

睽

此義皇兌下離上之卦而文王名之曰睽睽目不相視兩情乖異也火上澤下兩相背戾二女同居各異

所歸故小事吉占也陽大陰小睽以六五為主睽異之時

初九

初之畫得九為睽之未濟

悔亡

占也无應當有悔自處得正而无求于外故其悔亡

喪馬

勿逐自復

象也言所失之馬不待追覓而自還坎為馬睽之下體兌也坎下畫之柔為兌下畫之剛

則坎體失故為喪馬初變為柔則坎體復故為勿逐自復

見惡人无咎

占也見謂目所視也二三

四互離為目在初之外而接乎四見也非往見之見人而不仁疾之已甚則致亂九四剛強不正而為敵應惡

人也目不相視為睽初四雖敵應不相與而初之待四无睽異之情故日常見之不與之絕所以免于咎也

九二

九居第二畫為睽之噬嗑

遇主于巷

象也主謂五也巷者里中之道離中虛有巷之象二

與五正應睽異之時難于遇合又兩皆不正二往就五與之遇于里巷之間也當睽而遇則情不睽矣无

咎

占也當睽之時正應
之情不睽故无咎

六三

六居第三畫
為睽之大有

見輿曳其牛掣

象也二三四互離六
三五離之中畫有目

故能見三四互坎為輿曳謂從後拖曳之而車不得
進也說卦傳坎之象其于輿也為曳牛謂引車之牛互

離為牛掣謂以手控制之而牛不得行也六三當坎輿

之後欲往應上九而柔弱不能前進若或曳其輿然九

四當離牛之前剛強為梗阻隔六三之進若或掣其牛

然夫牛之引車車在牛後此則三四五之坎稍前于離

牛二三四之離反却于坎輿故

其人天且劓

象也其人
謂三即乘

有輿曳不進牛掣不行之象

輿服牛之人也三當人位故曰其人天去須之刑劓割

鼻之刑上體離有頤象三在其下須也三變為剛是去

其須矣故為天艮為鼻九四在六三之上以剛畫易无

艮之下畫艮之下體不具如鼻之下端遭傷也故為劓

初有終

占也三之與牛初雖曳掣而不得合于上九然正應終必合也故无初而有終

九四

九居第四畫為睽之損

睽孤

象也四當睽時一陽介二陰之間獨處无朋故曰睽孤遇

元夫

象也九四初九敵應不相與者然九四居柔變為柔而應初則如婦人失其配偶而忽遇元夫元夫

謂初夫也猶元配之元四陰位初陽位故四以初為夫

交孚

象也隨之初九九四敵應相與故初以四

為交睽之初九九四亦敵應相與故四以初為交四下遇初初上乎四故曰交孚初者四之交友也四雖以元

夫視初初則唯厲

占也孤而无咎

占也同德相應而交友自處也无應故危无咎不孤則无咎也

六五

六居第五畫為睽之履

悔亡

占也項氏曰初以在下不與世為睽之履悔亡五以柔進上行得中

應剛是厥宗噬膚

象也此象及下占皆為應爻九二言以悔亡之宗謂六五也六五一卦之主猶宗

子為眾兄弟之主也二為五之正應而五其宗也故曰厥宗二應五而四隅之所以睽也二至上有頤之象四梗于其間猶噬嗑卦之頤中有物九二剛畫猶頤之下齒能噬者也然于九四非比非應勢不相及故不唯強梗之四而唯上就正應之五六五互坎之外體而柔如豕膚之柔而易噬故曰噬膚往何咎占也

剛強然可以害五不可以梗二二不往外則已往則必合于五矣豈九四所能梗哉故曰何咎

上九

上之畫得九為睽之歸妹

睽孤

象也上剛而與柔比亦睽之時而獨處者也故象與四同

見

豕負塗載鬼一車先張之弧後說之弧

象也上九離明之極故能見豕

鬼車弧皆坎之象六三互坎下畫為上九之應九四互坎中畫為六三之梗坎下陰畫水旁土也坎中陽畫地中水也四之水溼三之土為塗泥六三坎豕居于兌澤體有坎土四以坎水溼之如豕之背負泥塗也六三坎

輿之下畫上載九四于坎輿之中九四坎月之魄為鬼
一車者陽實之體充滿車中也一亦坎數四與三近而
不相得九四以剛險陵下而欲傷三故其先張弧而射
之六三以柔說承上而獲免禍故其後說弧而不射
匪寇婚媾象也寇婚媾亦坎象九四說弧六三不為所
梗則上九正應之睽可合矣故上九謂六三
非異已之寇乃**往遇雨則吉**占也雨亦坎象六三之往
同已之婚媾也
為三之梗而與三和如陰陽之和而雨則六三之
往也无所隔礙可以上合于上九矣所以吉也

六畫俱九六
為睽之蹇

經彖辭凡四字爻辭凡九十二字而舊本作
天安定胡氏謂當作而蓋古篆而與天字體
相似而誤也睽苦圭切喪息浪切復音服曳
以制切掣尺逝切劓魚羆切說吐活切註背

音佩夫牛音扶去須起呂切不與音
頤易噬以歧切射食亦切蔡說音曰



艮下
坎上
八純震變上九五

蹇

此義皇艮下坎上之卦而文王名之曰蹇蹇者
行步艱難之名有險在前止而不進故為蹇

利西

南

占也凡爻位初為東三為南四為西上為北卦變蒙
蹇自震而變也解自艮而變蹇解之變以三四二畫

相易其義為往來于上下體交際之處故蹇解二爻其
占為行者利往來于西南二方也若屯蒙之變以初上
二畫相易其義為往來于上下體窮盡之處
不若西南在上下二體交際之處為利也

不利東北

占也初東山下之窮處止之最下者也上北水外之
窮處險之最極者也故行者不利于東北二方也

利

見大人

占也九五剛中正大人也六二

貞吉

占也五當位
二三四上亦

當位故正主
事而吉也

初六

初之畫得六
為蹇之既濟

往蹇來譽

象也蹇之六畫唯初四不
相應其餘皆有應然蹇蹇

不行之時難于遠取正應卦中四畫相往來者皆近取
比爻也卦上坎下艮故宜來而不宜往往則遇險來則
可止故也初六最在下有可往无可來故爻辭以六二
言之六二中正有譽者也往比三則近上體之險而蹇
來比初則其止最先去
險最遠而可保其譽也

六二

六居第二畫
為蹇之井

王臣蹇蹇匪躬之故

象也九五王也
六二王之及也

蹇蹇蹇而又蹇也由下體之蹇歷上體之蹇故曰蹇蹇
二往應五近阻九三之山已為蹇矣再前則阻六四之
水蹇而又蹇也六二之蹇者以三之故蹇而又蹇者以
四之故四為躬六二中正守道安命而不尤人不以蹇

而又蹇歸尤于四故曰匪躬之故子思子曰素患難行乎患難上不怨天下不尤人其斯之謂與

九三

九居第三畫為蹇之比

往蹇來反

象也反猶窮上反下之反陽自下升初起于下而動

為震升及于中而陷為坎升極于上而止為艮九三艮之上畫升極而止者也三往比四則涉上體之險而蹇來比二則是既止于上而復反于下以遠險也

六四

六居第四畫為蹇之成

往蹇來連

象也連猶連諸侯連橫之連六四上體九三下體上

下異體不相連屬者也四往比五則陷坎險之中而蹇來比三則與下體連屬而依艮止之安也

九五

九居第五畫為蹇之謙

大蹇

象也大謂陽也卦自震而變震初之陽往外易五而陷坎險之

中大者

朋來

象也朋謂九三卦唯二陽九三與九五同類故曰朋震四之陽來內易三而居艮止

之上故曰來九五之往
外者雖蹇而九三同類
之來內者得止則可幸
也

上六

上之畫得六為蹇之漸

往蹇來碩

象也上六最在外有可來元可往故爻辭以九五言

之九五陽剛碩大者也往比上則冒坎險之極而蹇來比四則近下體之止漸將脫險而可保其碩也吉

占也此占為九五言也諸爻雖以來為善而不言吉者蹇之時得免于蹇為幸何望其吉也唯九五居尊位剛

中正有濟蹇之才以身蹇而未能弘濟自處利見大人得宜身漸脫險則可圖濟天下之蹇矣故吉

占也此占為上六言也五為大人上六利于見之彖辭之利見九五者六二在其下而往見也此爻辭之利見

九五者上六在其外而來見也

六畫俱六九為蹇之睽

經彖辭凡十四字爻辭凡四十五字蹇紀免切註也職倫切解音蟹之處昌注切跛彼可切患難乃旦切謂與音余屬之欲切為九為上云偽切



坎下

震上 ○六之四下之五緯八純艮變主九二

解

此義皇坎下震上之卦而文王名之曰解解謂分釋其糾結也雷動于上雨降于下則鬱結解人動乎險

之外則險難解也

利西南

占也卦自艮而變三往易四四來易三四西也三南也行利往來於西

南之无所往其來復吉

占也艮之上極于卦外无所往矣則來而反復于內以易二也

故曰其有攸往夙吉

占也艮之二處于卦內猶可有所往也則往而出居于外以易上也

上居六畫之前猶一日之朝也故曰夙吉

初六

初之畫得六為解之歸妹

无咎

占也為難者四陰也而二陽解之九二解之主也初六之柔居

下近比九二得中之陽順從之而不復為難解之最先者也故无咎

九二

九居第二畫為解之豫

田獲三狐

象也二地之上田也坎為狐下卦為坎三四五又互

坎二坎有三陰為三狐田之獲謂能取之而已其害也九二比初比三而應五故能獲三狐也三狐皆為九二

所獲則陰之難解矣得黃矢

象也黃者中之色矢之齊五分其金而錫居二以柔濟剛也九二以剛居

柔而不過于剛故象矢九二所以解三狐之難者以其得黃矢也黃矢者得中而不過剛也貞吉占

得中而不過剛故正主事而吉蓋解陰之難不尚猛烈潛化服之使之順從而不為難所以吉也

六三

六居第三畫為解之恒

負且乘致寇至

象也六三上承九四猶負重任也下乘九

二坎為輿猶乘車也負擔之人而復乘車處非其據必有劫奪之者故致寇至寇自九四而言也至謂自外而內也九四亦上卦解陰之主豈可謂之寇三四互坎故象寇也卦之正體則三為下坎之上畫三狐之一也即負四乘二者也卦之互體則三為互坎之下畫九四之民也為四寇三者也互坎之下畫就居六三之位奪其所據柔變為剛以君子易小人不使小人乘九二之輿也六三陰類之狐九二既獲之彼不能為害矣雖乘九二九二不與校也蓋九二剛而中是以能容之九二者九四同類之朋而為六三陰柔所乘故九四使其民寇奪六三而易其類蓋九四剛而不中是以不能容之也案九四射上六則稱公奪六三則稱寇何也上六不服從九四者也九四與九二同為解陰之難者射而獲之正也六三已服從九二者也負乘之僭誠有可罪置而不問不失為容德九四奪之固當然田廣已下漢而韓信復進襲臨菑項羽已歸太公而漢軍復追至

垓下其成功雖偉帝王之兵貞吝占也六三為九二所則不如是所以亦謂之寇與貞吝獲陰之難既解矣但以柔乘剛為九四所惡是以遭寇奪也其占正主事則可吝若難未解之時而六三之所處如此則凶矣奚止于吝而已哉

九四

九居第四畫為解之師

解而拇

象也二陽解四陰之難苟有所私係則難不解矣拇謂初

六初者四之正應而汝也指四而言謂初爻汝之拇也能解去之然後為无私係也朋至斯孚占朋謂九二至為飛自上而下至地也卦變艮上之陽自上而下易二故曰至四不私于初則九二同類之陽孚于四也二陽同解四陰而九四或私于其所應之陰則同類之朋不能无疑也

六五

六居第五畫為解之困

君子維有解

象也君子謂九二維坎象謂初三二陰維絡中

畫之陽也九二為初三二陰所維而吉占也九二不私能解去之不以近比而有所私也

也有孚于小人占也六五有九二之孚也小人謂六五蓋九二不私于初六六三之近比故其

誠足以感六五之心而六五亦誠服也

上六上之畫得六為解之未濟公用射隼于高墉之上獲之象也公謂九四

震為長子公侯之象故曰公三四五互坎為三公柔變為剛則四五上成離為矢有弓矢故用射隼陰驚之物謂上六也上天位六為象之飛而戾天者初三五之陰在地在人間故象狐上之陰在天際故象隼也二三四互離有墉象九四居卦之上體互離之三畫故為高墉之上獲之者上柔化剛為矢之鏃離矢發于九四之手而達于上六之翼柔畫化剛猶以矢鏃之實貫為翼之虛而獲之也初之一陰最在下九二解之甚易上之一

陰最在上九四解之甚難故于卦終而後能獲之无不
也繫辭傳謂之待時而動則非如初六之易解矣无不
利占也初六三六五于九二為比為應力之所及故
九二能獲之上六一陰于九二非比非應力之所不
及故九二不能獲之也九四上六雖不近比然同在上
體上柔化剛為九四之離矢矢能及上故上六為九四
所獲也上六陰柔小人據高恃遠最難獲者也今能獲
之則四陰俱為二陽所獲而陰柔之難无不解者矣故
其占為于事无所不利也

六畫俱六九
為解之家人

經彖辭凡十六字爻辭凡六十三字解音蟹
拇而苟切乘平聲射食亦切隼苟準切註險
難乃旦切後同不復扶豆切而復復進復追
同齊才詒切乘車成證切為四云偽切寇與

音余所惡烏路切鉄子木切甚易
易解以歧切甚難如字傳直德切



兌下
艮上

○二之七下之六經
三陽泰變主六三

損

此義皇兌下艮上之卦而文王名之曰損損謂減殺之也凡陽為有餘陰為不足殺陽之有餘以補陰之

不足卦自泰變損三之陽益有孚
占也六三孚上九也
卦體內外實而中虛

似中孚損下益上民孰不疑其厲已然當損之時
而損在下者以為當然故誠心應上而无疑也
元吉

占也六三卦之主居下卦无咎
占也六三不當位咎也
以上元也當損而損故吉
以合時之宜故得无咎

可貞

占也柔非能正主事
者合時宜則亦可也
利有攸往
占也卦變三往益

易之用二簋可用享

占也上五占以六三上九言此一占
以初二四五言用者得此占而用

之于此事先為問辭曰曷之用乎荅云所用者二簋也雖二簋而亦可用之以享祀蓋用于損之時為宜也下卦兌為食六三饋食之主也初二在六三之內象二簋陽實為黍稷實于簋初應四二應五象二簋以享祀上殺之神二簋盛黍稷禮之甚薄少者然當減殺之時則薄少為宜故可用享也二兌數

初九

初之畫得九為損之蒙

已事遄往

占也初在下而與四應以下陽益上陰已止也事所以

自作為之事陽動喜作為初在下蓋止其所作為之事而速往以益四也

无咎

占也初九陽動喜于作為

蓋有用之才而能過往以求為上益此處下之道也故无咎

酌損之

象也四受初之益如以罷挹取

初之有餘而損之也

九二

九居第二畫為損之頤

利貞

占也宜自守其中以正主事也

征凶

占也二三四互震為

大塗有征行之象二當自弗損益之象也二與五應當守不當征行上就六五也雖柔而居剛非不足者二雖剛而居柔非有餘者故二弗損已唯以中相應自可益五也案初九九二皆是以下卦之陽益上卦之陰者而又辭之意相反初必自止其事而速當上往就四二宜自貞其事而不可上征就五初之益四則損已而益之二之益五則不損已而益之蓋初以陽居陽二以陽居陰故不同也

六三

六居第三畫為損之大畜

三人行則損一人一人行則得其友

象也卦自泰而變泰下卦三陽三人行也減三陽之一以益上損一人也上之一陰來易三一人行也三上相交而得上九之益得其友也三人位故曰人行亦于互震取象友能益已者也九自三往上而為六之益六自上來三而受九之益故上為三之友也

六四

六居第四畫為損之睽

損其疾

象也凡損卦皆是損下益上初剛好作為此有餘之疾也

四酌而損之取初之有餘益已之

使適有喜

占也疾則有憂疾愈

不足是損初之疾也其指初而言

无咎

占也四居上能取在下之賢以益已故无咎有

喜屬初无咎屬四

六五

六居第五畫為損之中孚

或益之

象也五受二之益故二益十之或者不為必然之辭也

朋之龜弗克違

象也古者五貝為一朋王莽時改兩貝為一朋十朋之龜一龜直五十貝大寶

龜也弗克違謂龜謀從已自之吉也自二至上肖離有龜象然因陽自三往而上而成此象故十朋之龜專指上

九而言謂二儻益五則非但二益之而上亦從其謀也

元吉

占也居三陰之上元也所應之二所比之

上皆益之所以
為元之吉也

上九

上之畫得九
為損之臨

弗損益之

象也九自三而往益上者
既往益上又還益六三之

柔其于益上也
損下而自能益之不

无咎

占也益上而下
不損故无咎

貞吉

占也此爻
三占與彖

辭同但彖言可貞爻言貞吉為異彖以六三
言陰柔之貞可而已上九陽剛之貞則吉也
利有攸往

占也因三往上有
所益故利有攸往

得臣无家

象也成卦由三上相易
上九居上為君六三在

下為臣自三而言則三得上為得友自上而言則上得
三為得臣也凡臣之有家者公則利其國私則利其家

未免不專于奉上三獨陰居下專意奉上臣之无家而
專于為國者也故曰无家謂不有其家也賈誼曰為人

臣者國
爾忘家

六畫俱九六
為損之咸

經彖辭凡二十一字又辭凡八十字已事音
以遘市專切註殺所戒切饋食音嗣盛音成
好虛到切為
國云偽切



震下
巽上

○四之五下之六經
三陰否變至初九

益

此巖皇震下巽上之卦而文王名之曰益益謂增補
之也卦自否而變上損九四之陽下益初六之陰故

以損上益
下為義

利有攸往

占也二之柔中正往
應五之剛中正也

利涉大川

占也

自初至五
有舟之象

初九

初之畫得九
為益之觀

利用為大作

占也初自四來益下為
益之主凡益下之事必

大有所興作陽居震元吉占也為益之主元也大有所興作以益民故吉无咎

動之初大作者也占也大作者益下之事而

六二六居第二畫或益之象也二受五之益益之謂五也益六二即損六五也故爻

辭十朋之龜弗克違象也二得益于初而初至五有龜象十朋之龜指初九而言謂五當

同益二則非特五益永貞吉占也六陰也故有永貞之戒謂能永久正主事則吉

也王用享于帝吉占也王謂五二地上也祭天掃地而祭因吉土以饗帝于郊九五降心在

二猶王者于地上享帝能致帝之來格也故吉

六三六居第三畫益之象也凡益皆損上益下初九自為益之家人益之四來益下六四受初九之益而

易位居上此已益者也五上在上之二陽當益二三在下之二陰此方益者也九五能益六二而上九不能益六三六三在下體當其益者也故曰益之然非上九益之乃自能益之也何以能自益六之質陰也陰雖不足三之位陽也陽為有用凶事无咎占也凶事謂喪禮也六三既无外來之益餘故六三能自益也而唯以已所有為以此而用之于凶事則无咎也凡事皆可待人之益喪禮有祿賄賻贈亦資人之益者然或偶无人益則急遽不暇于營求唯當隨其見在所有一以供事蓋親喪當自盡于己而不當取辦于人稱家之有无可也苟无矣斂手足有孚占也初九孚六三也形還葬无柳人豈非之乎益初九為益之主與六三同體中行告公用圭象也中其剛實之誠能感六三者也六畫卦之中也行者震為大塗之象公謂初九初九乎于六三故六三在中路而告初九以致歸嚮求益之意

臣之告君用圭以通信如禹告治水成功則以玄圭錫
帝也圭猶六二言震為圭六二震之中畫也能為六三
通信于初九三與初在下卦雖同體然非比非應必因
六二以通其信六二外比六三而下近于初則二乃初
九之近臣也故六三用
示為圭以通信于公

六四

六居第四畫
為益之无妄

中行告公從

占也中者六畫卦中之
位也行者與初九畫互

易而居其位也九陽自上益下而下居初六陰自下受
易而上居四六四與初九為應而交相為益者苟有所不
足則于中路告公而公從之也三四二爻皆中中行告
公謂居六畫卦中之位不親造公所而使人告也四與
初正應故其告公也公從其所告三與初非正應又非
近比故其告公也必因六二為圭以通其信不敢必其
從也故三不言從
而四不言用圭也

利用為依遷國

占也凡遷國必有所
依左氏傳謂周之東

遷晉鄭焉依是也故曰依遷國初四相易各去其位故曰
遷二三四五坤國之象陽君也陰民也六二六三國之
舊民不遷者四遷于初而依六二遷國之君也初遷于
四而依六三新遷之民也故此爻之占利用之以依于
人而遷國

九五

九居第五畫為益之頤

有孚

占也此言六二孚九五也

惠心

象也惠者懷其恩也五為心二
孚于五而惠九五益之之心也
勿問占也問即繫辭傳
勿問者不元吉占也五之德與位皆為元
待占筮也元吉不待占筮而知其吉也
有孚占也此言六二

孚初也
惠我德象也六二不但有孚于九五而惠九五之
九也
惠我德心又有孚于初九而惠初九之德初為卦

主故指初為我初剛實六二所食者故曰德二五相應
應遠故惠其心初二相比比近故惠其德也爻辭言九

五所應之六二因及六二所比之初九六二爻辭亦言
六二受九五之益而又得初九之弗違與此爻辭之意
同

上九

上之畫得九為益之屯

莫益之

象也上九當下益六三而不能益之故曰莫益之

或

擊之

象也擊者虐害之也三四五互艮為手有擊之象上九之于六三非徒不能益之而又虐害之故

曰或

立心勿恒

占之戒辭也立如三十而立之立謂固守之也

固守其在內之心也恒常久不變也益之上下二體互
易為恒恒與益相恃者也故戒之曰立心勿恒如此而
不變
占也苟恒如此不益民而害民則
民莫之與而或傷其君凶之道也

凶

六畫俱九六為益之恒

經彖辭凡九字爻辭凡九十字註謹音遂賈方貢切賈符遇切見在賢遍切稱昌證切斂

力檢切還音旋能為云偽切造七到切傳直戀切悖音佩



乾上

○一之二下之七緯五陽辟主九五

夬

此義皇乾下兌上之卦而文王名之曰夬五陽長盛而消陰將盡夏正三月之卦也夬決也五陽決去一

陰揚于王庭

象也高舉在上曰揚推播在前曰揚王謂五庭謂上五王之居也上六在王居之前

王之庭也一陰處于五陽之上故曰揚于王庭猶詩言在前上處也

孚號象也孚謂九五孚于上六也號

號呼也一陰在五陽之上處不自安孤立將亡而與五比故號呼以求援于五然小人失勢則祈哀乞憐于其

所親厚之君子及稍得志則傾害君子不有厲占也此遺餘力君子豈可因其號呼而遽信之哉有厲占為九

五言也九五夫之主先四陽以進而與所決之一陰比
近苟以狎昵之故信其號呼遂不察其中心之狡而哀
憐之則危矣有厲者今雖未危將有危之漸也或以此
占為言上六非也上六將亡矣爻辭謂之終有凶奚止
于有厲象也凡口有告之象卦自坤變坤為邑
而已哉**告自邑**坤之五陰變為陽僅存坤上六之一畫
邑之削小者也告自邑將以起占也范氏大
徒役然邑小民寡雖告何為**不利即戎**占也范氏大
用眾坤為眾乾變坤至五則性曰兵戎乃
幾于无眾矣故不利即戎**利有攸往**占也往指九五
進則為言九五往而上
純乾矣

初九

初之畫得九為夫之大過

壯于前趾

象也卦以五陽決一陰乾三陽兌二陽乾健兌說彖

傳言健而說決而和和者剛柔適中也健而且說二者
不偏如此決之而後和偏于健則剛過而鄰于暴矣偏

于說則剛不及而流于懦矣下體健者也初三剛居剛而不中有過而暴之失九二雖健體而居柔得中故不暴上體說者也九四剛居柔而不中有不及而懦之失九五雖說體而居剛得中故不懦爻辭于初三之壯則戒其過于四之次且則勉其不及二雖健而惕懼五雖說而失夫唯其中故能無過无不及也項氏曰夫初至四大壯也加九五一爻而成夫下四爻與大壯相似初之壯趾二之以中三之用壯四之悔亡是也丁氏易東曰四陽為壯五陽為夫大壯初九曰壯于趾此曰壯于前趾因大壯而言也澄案初為趾四在下卦三陽之前而與初趾同位前趾謂四之位也初九居一卦之下急于前進以決上六之陰故用其勇壯欲超升大壯四陽之位以近九五而決上

往不勝為咎

占也勝謂勝其任壯于前趾勇往也

往而不勝其任則為咎矣戒之之辭也

九二

九居第二畫為夫之草

惕號

象也惕懼也剛中實故能惕號指上六而言九二得中不過

剛故當五陽勢盛之時聞上六之號呼待盡猶且微懼也

莫夜有戎

象也二地上之位日至地上將

入地下莫夜之時也戎者二變為梁成離有戈兵之象

勿恤

占也能微懼則知戒備矣故雖莫夜之時

卒有兵戎之變亦不用憂恤也

九三

九居第三畫為夫之兄

壯于頄

象也頄面顴骨謂上六也夫之三即大壯之三其壯也猶

大壯之小人用壯壯于頄者言其勇壯及于上也三與上應當夫之時應爻乃其所欲決者猶噬嗑之時應爻

乃其所噬噬者也

有凶

占也陰固當決去然待其時以其漸則不勞力不傷已三剛居剛恃其勇壯以

下凌上非十全之道故有凶

君子夫夫

象也剛居剛而不中為小人之壯若君子則不如此矣夫

而復失其決柔之意未嘗止息然不恃剛過壯也

獨行遇雨若濡

象也君子不

交而去之自有其道夫五陽而九三獨與上六一陰應陰陽和為雨故有獨行遇雨而濡之象若語辭猶言而

也濡謂為其所沾濡九三變為柔則三四五上肖坎象雨象濡

有愠

占也獨為上六所濡中有含怒之意

而欲決之

无咎

占也雖欲決之然決之而和故无勞力傷已之咎也

九四

九居第四畫為夬之需

臀无膚

象也四居上體之下為臀膚在臀下而柔者四乘九三之

剛其下不柔臀无膚也

其行次且

象也以剛居柔又為說體當同進決柔而其進不勇故曰行次

且牽羊

象也兌為羊羊羣行九四兌之下畫羊之在後者九五兌之中畫羊之在前者也牽謂牽聯而

進四隨九五以進為牽

悔亡

占也次且本當有悔九五陽長之主如羊羣之在前四在五後牽聯而進

以決柔則其悔聞言不信象也四變為柔成坎坎為耳

亡此免其進也然四爻剛實塞而不虛耳之

不聰者也言謂流言遺言之言信實也

四既不聰故所聞流言不謂其實也

九五

九居第五畫

覓陸夬夬

象也項氏曰覓音九土羊

為夬之大壯

于陸之陸澄案項說是也覓字上從艸羊之角也中從

目羊之目也下從凡象羊之足覓字諧覓聲舊誤作覓

從草從見竟解作草名羊羣之行山牽而前引之牧于

陸九五變為柔成大壯為互體之兌象羊之羣行五在

其前猶覓之行山路故曰覓陸夬夬者中行象也中行

行而不息也五變成震為大塗陸之象

路至中半也未中半為不及過中半為

過五居上卦之中不過其半中行之象无咎占也五在

中則不恃剛而過亦不

比陰為不及故无咎

上六

上之畫得六
為夫之乾

无號

象也上當凡口故為號呼之象
彖之孚號上向五而號也二之

惕號

二聞上之號也夫以五陽上進一陰豈能久存而
猶號呼者所謂將死之鳴臨絕之音也其終也上六變

為純

乾則一陰消亡而无復號呼之聲終有凶占也卦
矣故曰无號无有元之无非禁止之无

陰消亡不復能
存故曰有凶也

六畫俱九六
為夫之剝

經彖辭凡二十字爻辭凡七十六字夫君邁
切號平聲後同勝音升莫音暮頌求龜切臀
徒敦切次七私切且七餘切覓戶官切註為
九云偽切說音曰傳直戀切卒七率切賴音
權鑿擬結切復夫扶豆切无復不復
同陽長知兩切九戶官切殺音古



巽下 乾上 ○ 五之一下之七緯

姤 此義皇巽下乾上之卦而文王名之曰姤一陰初生于地而下而消一陽夏正五月之卦也姤過也一柔遇

五剛也女之邂逅 女壯 象也下巽為一索之女女生之而與男遇為姤 女壯 最先者陽長至四畫然後為壯

始一陰初生而曰女壯何也蓋初陰雖微與 勿用取女 四為應已足敵四畫之壯陽矣故曰女壯

占也 一陰初生已能消陽 故戒之以勿用取此女也

初六 初之畫得六 繫于金柅 象也柅以止輪金者喻其為姤之乾 堅也坎為輪坎之上爻為

剛畫是以堅剛之柅柅其輪也剛畫為金金柅指九三而言金柅止輪之行于前而又繫其輪于柅之後則輪不可動矣初象輪之後牙柅之于前三也繫之于中者二也以象固止初陰使不得前進如是則可无陰長消

陽之

貞吉

占也使初陰止而不進正主事則吉也

有攸往見凶

占也初陰往而進以

消陽陽勢猶盛往則不敵必見凶也此亦戒初六使不進也

羸豕孚蹢躅

象也羸瘠也蹢躅不

靜也坎為豕坎上畫之柔為巽上畫之剛則坎之外體變矣柔象肉剛象骨坎外之柔為剛如豕之外體无肉

而有骨也故為羸瘠之豕孚謂初六孚于九二也微陰雖孚應于陽而其中未易制伏如羸形之豕雖暫孚而

猶懷蹢躅之心也蓋坎之外體雖變而其內體不變如豕之外形雖羸而其心常不靜也聖人為戒之意深矣

九二

為居第二畫

包有魚

象也初與四為正應而與二比近故先為二所有古人魚

肉包之以草詩曰野有死麕白茅包之是也魚陰物謂初二能得之猶包苴之中有此魚也二陽畫連亘有包

之象巽為魚魚者巽下畫之陰也

无咎

占也蔡氏曰遇雖非正常遇之時故可无咎

不利賓

占也初卦之主四對之故為賓乾亦為賓賓主相對遇
之正也九二以近比而得初九之遇則初不復往遇于
正應之四矣故其
占為不利於賓也

九三

九居第三畫
為姤之訟

臀无膚

象也四為臀三在四下剛而
不柔猶臀之无膚也此三四

比近而二剛
不相得之象

其行次且

象也三與四既不相得四欲下
行與初六正應相遇而為三所

阻隔故其行次且姤之九三即夬之九四故其象同行
次且者九四以陽居陰故行次且舊註以為三之行者

非夬九四之行欲上決一陰也
姤九四之行欲下遇一陰也

厲

占也三以剛居剛過
剛而不中居下之上

故无大咎

占也三之自處雖危然下能
上能阻九四之下行不使陰進遇陽而消陽

也有防微杜漸之功故
于陽剛之道為无咎

九四

九居第四畫為姤之巽

包无魚

象也初者四之正應而為二所得故二之包中有魚而四

之包中起凶

占也已之正應與他人遇猶男之失其配君之失其民也今雖未凶凶由是起矣

九五

九居第五畫為姤之鼎

以杞包瓜

象也下巽為木二巽之中畫其位與五位之天同象

木之高聳参天者也故為杞瓜地下之瓜陰物也謂初六二與初遇包而有之猶杞木之葉下包其瓜也九五

剛中正居尊與九二之位應二之得民猶五之得民也二杞包初瓜以之者五也故曰以杞包瓜舍章

象也九五變為柔與二正應而藏有隕自天象也

剛中正在上在下者皆欲遇之然初六九二非比非應无由得而相遇今五變為柔以應二比四而包舍三陽

之章于內則三因四之比初因二之應皆得以遇于九五如有物自天而隕于下也九五天位隕于下謂與下

相接而為在下者所遇也

上九

上之畫得九為姤之大過

姤其角

象也剛而在上者角也至姤之終下之所遇者如角之剛

也吝

占也前不可進剛而能觸竟何為哉故吝

无咎

占也處時之窮非已有咎也

六畫俱六九為姤之復

經彖辭凡七字爻辭凡六十八字姤古豆切取七喻切柅乃履切羸力追切躋直戟切躅直錄切註索所白切陽長知兩切隕云隱切麋蠲困切不復扶豆切蔭即可切

䷁

坤下兌上

○八之二下之八緯四陰觀變主上六

萃

此義皇坤下兌上之卦而文王名之曰萃萃聚也兌說為澤坤順為眾為地在上以說臨其下民聚于下

以順其上澤者水之所歸澤滿溢而上于地則澤不受水而眾流之歸皆聚于地上故為萃王假有

廟象也王謂九五艮為廟二三四互艮六二艮之下畫廟之內也五下應二是王者至于有廟聚已之精神

以聚祖考利見大人占也五陽剛中正為大人四占也之精神也利見大人占也

大人能聚天下利貞占也能致亨則用大牲吉占也大

之眾美者也利貞占也主事矣用大牲吉占也大

牲少牢為次牲特牲為小牲下坤為牛上利有攸往占也

六二上應九五為往物聚而眾多則宜備禮人聚而眾多則宜出外損之時則用二簋而可萃之時則用大牲

吉也之時則勿用有攸往萃之時則利有攸往各順其時也初六為萃之隨有孚占也四以說道聚民而不終占也

四位不當故
其孚不終
乃亂乃萃若號
象也初以四之孚不終故
其志擾亂與三陰相聚而

號呼以求四之孚初柔變
為剛成震故有聲而號
一握為笑
象也初之號眾皆
笑之一握猶言一

團二三四爻互艮為手艮數一故曰一握二三象手之
指能握笑者蓋二三笑之三為兌口之倒而向下者故

能笑初
勿恤
占也雖為眾所笑然所求
往无咎
占也勿
恤眾笑

上往求四
則无咎也

六二
六居第二畫
引吉
占也二聚于下而順上五說乎
為萃之困
上以聚下中正相應然二柔居

柔懼其易變故戒之以
无咎
占也能引而得
孚乃利用
引而至于長久則吉
吉則无咎也

禴
占也孚謂六二之誠孚于九五也禴者夏祭之名舊
說相承以禴為薄祭蓋宗廟四時之祭春祠夏禴秋

嘗冬烝其孝誠一也物則隨時而有厚薄之殊秋之時萬物成熟故秋嘗之物豐冬烝則彌豐春之時萬物始生故春祠之物殺夏禴則彌殺卦位五為天上卦之中也上為北五者日行天中而近北夏之時也故凡禴祭之象皆以五而言二之順五以其中正而已然陰虛非實故為之戒云必其誠實先乎于五乃可于萃聚用大牲之時而利于用夏月薄物之祭以事其上蓋誠既先孚則在上者不疑其簡也項氏曰羣聚之時為禮當厚必如二五之交信在其中而後外可畧也

六三

六居第三畫為萃之咸

萃

如嗟如

象也三與下二陰萃于下而上无應故嗟歎不得志

六三兌口之倒體能嗟

无攸利

占也往

无咎

占也三雖无應而比近九四之陽苟能往而上

求九四則可无咎

小吝

占也若但安于陰小而不上往求陽則吝矣

九四

九居第四畫為萃之比

大吉

占也四應初下臨三陰之聚可以得民矣然位不當而其孚不

終蓋雖陽而居陰故也若如九五之以陽居陽則吉矣四雖陽畫而非陽位必陽畫居陽位而後為大也凡九

居二者雖中而非大中必九居五則畫與位俱陽而謂之大中此大吉之大猶大中之大无咎占也

九五以陽居陽之大則吉乃可无咎也

九五

九居第五畫為萃之豫

萃有位

象也萃之時陽畫居陽位故曰萃有位

无咎

占也

匪孚

占也二為五之正應然以柔居柔陰虛不實或未

五而後利于用禱亦因二之不足于孚而戒之也

元永貞悔亡

占也九五以陽居陽其占固為

无咎矣然儻未能得二之孚則當有悔必有元以長人之德永久貞其事則其悔乃可亡也大抵聚而衆多之

時慮其不可以久故二以引長而後吉五以永貞而後悔亡皆欲其久而不變也

上六

上之畫得六為萃之否

齋浴涕洟

象也齋者嗟歎之聲涕目液涕鼻液凡口有聲三

四五上肖坎有液上自四升上為萃之主以柔居柔不敢當天下之聚故不安于居衆人之上而至于齋浴涕洟可謂懦而無咎占也說極而致天下之順聚雖無立者矣柔懦不安無傷于萃也故無咎

六畫供六九為萃之大畜

經彖辭凡二十字爻辭凡七十四字舊本卦名下有亨字程子曰羨文也陸氏曰馬鄭虞陸續竝无此字晁氏曰王昭素謂當无假庚白切號平聲禱羊畧切齋將兮切洟音夷註說音曰少牢詩照切殺所戒切長知兩切



巽下五之八下之八緯
坤上○二陽臨變主初六

升

此義皇巽下坤上之卦而文王名之曰升升上進也
萃與升皆自坤取義萃者兌之一陰說而為主于上

故坤之三陰順而聚于二陽之下升者巽之一陰入而
為主于下故坤之三陰順而升于二陽之上又地氣上

騰木生地中日元亨占也元以二陽之大而言
進而上故曰升元亨四陰巽順而應之故亨用見大

人勿恤

占也升者萃之反萃九五在上之大人三陰萃
而在下者利往見之升九二在下之大人三陰

升而在上者降而來見南征吉占也卦自臨變初三相
則可勿恤言其无憂也易一陽在初上進居三

三南也故于南方征行則吉也

初六

初之畫得六象也說文引此爻之辭允作貌
為升之泰允升進也諧聲字本義存聲從省作

允升自臨變升之初六本臨之六三也臨六三之陰
下退于初而進初九之陽以上升于三也故曰允升大

吉

占也大指三之剛畫而言臨之初與三易位
故剛得上進以升于三居下體之上而吉也

九二

九居第二畫
為升之謙

孚乃利用禴

象也二剛中而應五然
五柔未易速孚故必俟

既孚于五而後乃利用禴也禴者宗廟之禮薄
于常時者蓋升其誠意于上以誠不以物也
无咎占也

誠孚于上而後用禴則
上不疑其簡故无咎

九三

九居第三畫
為升之師

升虛邑

象也臨之三四五互坤為邑
柔畫耦為虛三自初而升以

實臨三之虛
故曰升虛邑

六四

六居第四畫
為升之恒

王用亨于岐山吉

占也王謂九三二
三四互兌兌西方

坤為國邑西方之山在國邑之內者岐山也山地示陰神也兌上畫陰也以象岐山之神九三兌之中畫為王九三之陽升其誠意于上之陰神祭山之占也隨上六王用亨于西山亦以九五兌中畫為王上六兌上畫為山之无咎占也三四之相得以近比非以正應有咎也然九三之誠上升于四以合乎坤之順故无咎神

六五

六居第五畫為升之井

貞吉

占也二剛中而應五五階之而升故正王事則吉

升階

象也二之升至五如升階然坤三耦如地勢之自下而高也故象階

上六

上之畫得六為升之盡

冥升

象也上天之上位也在青冥杳冥之上而陰又昏暗故曰冥升

利于不息之貞

占也位在上則為冥升位之升不可過高也唯進德不息而正主事則利蓋德

之升愈高愈進
其升无已時也

六畫俱六九
為升之无妄

經彖辭凡十二字爻辭凡五十三字用
亨許兩切註說音曰貌音允示與祇同



坎下兌上 ○ 六之二下之九緯
三陰否變主九二

困

此義皇坎下兌上之卦而文王名之曰困困窮瘁也
字象木在口中四面不得通遠二之一剛為初三二

柔所揜四五二剛為三上二柔所
揜蔽塞其前後无由通達故為困亨占也卦德內雖有

處困而貞大人吉占也卦自否而變上之陽下居而為
可以亨困之主剛中之大人也正主事者以

此大人无咎占也困之時有此大人有言不信占也兌
則吉貞其事而吉乃可无咎有言不信口在上

有言之象以言傷人而其
言誣毀不實不能困人也

初六

初之畫得六
為困之兌

臀困于株木

象也卦唯初四有應臀
謂四也三四五互巽為

木木下曰本木上曰末木中曰朱字正作朱後人加木
為株朱為木之中身也四為巽木之中畫故曰株木四

欲下拯初而不能來猶臀
之困于朱木而不能動也

入于幽谷

象也在地之卦之內故
為入地下之位故

為幽水注溪曰谷坎水之下故為谷以柔居下在困之
初不得正應之助故入于幽谷不能自拔以出于困也

三歲不覿

象也三坎數也幽谷之中雖三
歲之久不能上覿四之正應也

九二

九居第二畫
為困之萃

困于酒食

象也坎為酒兌為食九二
處坎中畫應兌中畫得中

而以酒食優游自養者也在困之
時他无所困但為酒食所困而已

朱紱方來

象也三四
五互巽為

朕三又朕之位也二三四五離為牛二以離牛之革蔽

于巽朕之下紱之象也朱者赤黃之色坎之色赤中之

色黃坎之中畫居下卦之中為朱紱利用亨祀占也朱

卦變九自否之上來二故日方來利用亨祀占也朱

服之紱也困于酒食之時而上之人方征凶占也困之

且賜以祭服之紱故利于用之以亨祀征凶時居中自

養可也征行則无咎占也以其得中能固守

失其中而凶矣无咎不動雖有咎可无咎也

六三為困之大過困于石象也坎中畫之剛為石據于

蒺藜象也據者居其上也謂居坎之上畫也蒺藜之入

于其宮象也三五離之不見其妻象也三陽位夫也其

中畫中虛象宮畫柔夫之柔邪者也

上陰位三之妻也三雖有離目能視然妻在離宮之

外柔與柔不相應夫與其妻隔絕故不得而見也凶

占也此爻之辭蓋謂困若拘囚之人六三陰柔不中正猶周官所謂罷民也困于石其坐諸嘉石者與據于蒺藜其寘之園土而薦之以棘者與入于其宮不見其妻則雖暫時還家而其妻已離異隔絕也國語云罷士无伍罷女无家蓋古法凡坐嘉石入園土之罷民則離異其夫妻而不使之有室家與凶者傳所謂既辱且危而死將至也

九四

九居第四畫為困之坎

來徐徐

象也來謂下應初徐徐者以居柔而其行不勇也

困

于金車

象也坎為輪為輿金者剛物九四坎之下畫也剛而成兌金如以金錮其車輪也雖堅固而不

利轉行之所以遲

吝

占也下來極初而重滯不速故吝

有終

占也不速雖可吝然

終必能下與初應也

九五

九居第五畫為困之解

艱

象也。艱，高而不自安之象。五居互巽之上，畫巽為高，居高而不

安故

困于赤紱

象也。赤紱者，二也。五既居高，不安。九二在應位而非正，應故不能為助而反為

繫累故為

乃徐有說

象也。二既不應而五之中正能自處，雖有所繫累而能徐徐說去之。

也

利用祭祀

占也。赤紱常繫于身，雖困人而用之以祭祀，則為宜。故利用祭祀。陸氏曰：祭一本作

享。程子曰：享，祀祭。祀，泛言之。則通分言之。則祀天神祭地示，享人鬼。澄案：帝天神也。而亦言享禴，人鬼也。而亦

言祭，難以分言。二五爻辭宜同。陸氏別本作享，為是。

上六

上之畫得六為困之訟

困于葛藟

象也。三四五巽木也。上六以柔纏繞于巽木之上，葛

藟之象，故為困于葛藟

于艱

象也。九五巽之上，畫既高而不安。上六又處九五之上，愈高愈不安。

矣故為困于艱險蒙日動悔有悔占也二悔字之義與上困字故不復言困

極圖欲離去曰者兌口之言也其言若曰自處未善故困今當動而改悔然雖如此亦不免于有悔也

吉占也若能征行則離于困矣故吉蓋曰動悔者言之虛也征者行之實也苟徒有其言而不勇于行則亦

何能離哉

六畫俱六九為困之賁

經彖辭凡十二字又辭凡九十五字九五爻辭艱蹇蹇舊本作劓則陸氏曰荀王肅陸續作艱蹇鄭云當為倪仇晁氏曰倪仇即艱蹇之省文也與上六字同艱五結切蹇五骨切有說吐活切註口音圖說音曰罷民音皮下罷女同者與家與音余傳直戀切離去離于離

困來
至切



巽下
坎上 ○ 五之六下之九緯
三陽泰變主九五

井

此義皇巽下坎上之卦而文王名之曰井井人
取食水之所巽木下入而取坎水至上故為井 改邑

不改井

象也卦自泰而變上體坤也為邑泰初易五坤
地之中畫降初而坤邑變成坎水此邑之改也

泰五易初而初二三四肖坎坎水在下為井之象二
三之陽畫井水也而二畫不改易此井之不改也

无喪

无得

占也占者无所喪亦无所得蓋邑雖改而實
无減損故无喪井不改而非有增加故无得 往來

井井

象也又以卦變往來取象初上往五而成坎體井
水之至上者也五下來初而初二三四亦肖坎體

坎水之在下者也剛上往而成上之井柔下來
而成下之井故曰往來井井此句上下二象 汔至亦

未繙井

象也此申言往而至土之井汜幾也繙者汲水之綆井卦三陽畫象水以水之至上者而言九

五之水至坎中畫未至坎上畫雖幾于至而水猶未出井口也亦與未繙井同

羸其瓶

象也此申言來

而在下之井羸損傷也瓶者汲井之窺以水之在下者而言二三之水實在汲井之瓶而下一畫揭猶瓶底傷

損而水凶占也此占專為羸瓶而言

初六

初之畫得六為井之需

井泥

象也井以陽剛為泉陰柔為土初六陰柔在水之下故為泥

不食

象也居卦之下井在卑下之地而淺者也

舊井无

禽

象也不為人所食則為荒廢之井故曰舊井井在卑地者禽鳥或食其水杜詩鷓鴣窺淺井是也泥而不

可食不但為人所棄雖禽鳥亦不下顧坎禽象也在上而不來下故曰无禽

九二

為九居第二畫

井谷

象也九二陽剛象井中之水井水上出而不下流初六耦畫象

谷在九二之下下流不塞而水泄于射射

象也射謂小魚亦指初六

初六巽下之陰象魚水既下注惟

甕敞漏

象也甕汲水之器即象所

謂甕也九二剛畫中實象水實甕中初畫耦象甕之敞舊而下漏者二无應于上而水不上出故其象如此

九三

為九居第三畫

井渫

象也九三剛居剛居下不食也

二三四互兌三在兌口之

為我心惻

象也我心謂九五

下故有不為人所食之象為我心惻九五井卦之主故

食故九五之心為之惻然閔其不見用于時也蓋卦唯

九五九三以剛居剛為可食之清泉九五居上體在兌口之上人所食者也九三居下體在兌口之下人所不

食九五所以可用汲占也如三之清王明竝受其福申

為之而惻也泉可汲以食也之意仕進者遇王之明則必見用而賢人與衆人俱受其福王五也三四五互離為明賢者為明王所用則賢者得行其道天下得被其澤猶井之為人所食而有益于人也能以九三之不見用為惻者其明也卒使正應之上六汲之以上是即九五之明王用之也

六四

六居第四畫為井之大過井甃

象也甃謂以石以甃包砌其旁也六四陰畫井旁之土也居得

其位如井之四旁甃砌完整故曰井甃

无咎

占也甃則井旁之土不崩頽而井中之水不污壞矣故无

咎

九五

九居第五畫為井之升

井冽

象也冽甘潔也變為柔則成坤坤土之味甘剛居剛為清潔

寒泉食

象也寒冷也坎正北方為寒水甘潔而又寒冷

也九五之德美如此有象无占何也曰九五雖為冽寒

可食之泉然未上出井口此彖辭所謂汔至亦未繙井

上六

上之畫得六

井收

象也收謂輓輻收綆水至井口

立之象變為剛而

勿幕

象之戒辭也幕字當作口俗作

者欲人人可汲溥其功用耦畫

有孚

占也孚謂九三正

汲九三之水以出于井口故九

元吉

占也井以上出為

吉也

首而

三以其剛實孚應于上六也

元吉

功故上六之德為

六畫俱六九
為井之噬嗑

經彖辭凡二十四字爻辭凡六十一字喪息
浪切汔許訖切觸音橘羸力追切射食亦切
甕屋送切敝皮世切滌息列切甕則候切洌
音列洌詩救切幕當作罍莫狄切舊音莫非
註綆音梗幾居希切專為云偽
切為之同甕蒲歷切覆孚豆切



離下

○三之二下之十緯
八純巽變主六二

草

此義皇離下兌上之卦而文王名之曰草草者改其
舊之謂皮去毛曰草皮有毛而去其毛改變其舊也

澤為容水之處澤中有火以消乾其水蓋海之尾閭名
為焦釜之谷水入其中如沃焦釜消乾而无復有是為
澤中之火水熄火者也而反為澤中
之火所熄改變其常也故名為草
已日乃孚
象也天
有十日

欽定四庫全書

卷二

甲至戌為前五日已至癸為後五日變革天下之事不當輕遽乃能孚信于人故以十日為率革于未及中半之前不若革于已過中半之後則无輕遽之失而能孚于人也卦自巽而變先以巽初易上成需是猶需待而未變革也後以巽四易二成革則可以變革而不需待矣當此之時是猶十日之已過中半也下卦離之中畫為革之主爻離象日以之元亨占也變革者必有長人象月則納已故曰已日元亨之德如九五之剛中正者然後可利貞占也元者能致亨有悔亡占也凡革易于致亨則利于正主事

悔亡

占也凡革易于有悔如上所云

則所革皆當而其悔亡也

初九

初之畫得九為革之咸

鞶用黄牛之革

象也鞶以韋束物也象與遯六二同初變

為桑成艮坤畫三柔為牛艮之上畫變坤之外牛皮變為革之象革謂三黃謂二革之初在下而无應必堅固

其志確守故常而不輕為拘束于六二九三之內如犂固之以黃牛之革令不得動作也

六二

六居第二畫為革之夬

巳日乃革之

象也象與彖辭同二中正應亦中正革之善者

也離納已在卦中為中半之義故曰巳日乃革之

征吉

占也至中半而後革則不輕遽矣故征行則吉

无咎

占也

九三

九居第三畫為革之隨

征凶

占也革卦內三爻皆不欲輕革六二中正猶必待至巳日乃可

革之初則固守而不可動九三雖當位而不中未可以革也故征行則凶

貞厲

占也居下之

但正主事亦危

革言三就

象也上來應之以變革之言來就巳者至于三就如欲有謀焉則就之

就凡口在上為言九三變為柔則成震三震數也

有孚

占也上來就巳孚于巳也

九四

九居第四畫

悔亡

占也不當位宜有悔

有孚

占也

應卦變以巽之四易二二為卦主二

改命吉

占也巽為

四本相易之爻故四能有二之孚

巽之主爻四改為二是改其命

矣改者得中而為卦主故吉

九五

九居第五畫

大人虎變

象也皮之去毛者為革故初九黃牛之革以去毛之

皮而言九五上六之時革將變矣故无毛之革又變而為有毛之皮五陽剛中正居人位大人也離陰質而文明象虎九五卦之外體與內離之中畫以中正相應是內之文明形見于外者也故為虎變言虎之革變而有

文未占

猶益六五言勿問也

有孚

占也九五得六二之孚不待占筮而知之矣故曰未占有孚

上六

上之畫得六為革之同人

君子豹變

象也上六柔畫變為剛則象君子離之文明象虎九

五與離之中畫相應文明見于外故為虎變上六與離之上畫相應文明亦見于外五陽位為大上陰位為小

豹者似虎而小故上六不為虎而為豹豹變者亦言无毛之草變而為有文之豹也小人革面也象

上六變為剛而為君子亦不能如九五大人之變也不過為豹而已況其本質陰柔小人也若不變為剛則不

取文明形見于外之義三剛居剛而不中為剛惡上柔居柔而不中為柔惡上六與九三正應內懷剛狠而外

之顏色變為柔媚以順從九三之君故曰革面而之顏色見于外而在眾體之上者也上六居外居上故為而

內應剛而外則柔心征凶占也處革之極革道終矣君狠面柔之小人也子變革其心而有文小人變

革其外而順君復何求哉居貞吉占也居謂靜靜守可也征行則凶矣處不行也

六畫俱九六為革之蒙

經彖辭凡十一字爻辭凡六十五字已日音紀輦九勇切註去毛呂舉切後同消乾音干復有扶豆切長人知兩切易于以豉切令不趨貞切形見賢遍切下同



巽下離上

○五之三下之十緯八純兄變主六五

鼎

此義皇巽下離上之卦而文王名之曰鼎鼎者烹飪之器以巽木入于離火之內而烹飪也卦之下一畫

耦鼎足之象二三四三畫奇鼎腹中實以牲體之象五畫耦鼎耳之象上一畫奇鼎鉉之象故名為鼎也元

亨

占也有長人之德則能致亨

初六

初之畫得六為鼎之大有

鼎顛趾

象也初在下而耦鼎趾之象四為鼎腹之上口而與初應

顛者上反居下下反居上之謂初六上應四則利出否鼎趾何上九四下應初則鼎口何下故曰顛趾利出否

占也。否不善之物。謂鼎中之穢惡也。當鼎之初。未實牲體。正當洗濯之時。顛其趾以傾出其穢惡。故趾雖顛而

于出。否則得妾以其子。象也。柔居下賤。妾之象。兌為妾。巽者兌之倒體也。故初柔為妾。

為利也。九四陽在上而不中正。妾子之象。初上應四。如妾因其子之貴而得以上達。故曰妾以其子。以與其鄰。以其

國君之无咎。占也。妾以其子而達于上。則非上僭也。故无咎。

九二。九居第二畫。為鼎之旅。鼎有實。象也。二申實。鼎之有實在中。者謂牲體之實。于鼎中者也。

我仇有疾。不我能即。象也。我謂六五。五為卦主。故稱我。仇如君子好仇之。仇言為五之匹。

配五下應二。故彖傳言得中而應乎剛。二當上應五。以其有實在中。難于上進。如有中滿之疾。氣不上行人之

道。德充積于中。在下位而不援。上所謂不名之臣也。君欲有謀焉。則就之。而不敢必其就我。六五尊德樂道而

忘勢不以二之不上應為尤故言我之仇匹以有疾之
政而不我能即然臣不就君而君就其臣自重重賢兩
得其吉占也二不枉已五
道矣能下賢所以吉

九三

九居第三畫

鼎耳草

象也卦自兌而變兌三柔易
五而為鼎之耳兌初九易上

而為鼎之鉉今三之剛變為柔居下體之上亦耳之
象是鼎耳之在五者今變草而在三矣故曰鼎耳草其

行塞

象也震為大塗象三變為柔二三四成
離九四以陽而塞其前也故曰其行塞雉膏
象也

雉離之中畫為雉腹
中之膏故為雉膏

不食

占也三四五互兌為口三
居兌口之下故為不食

方

雨

象也剛變為柔則三四五成坎
為雨故曰方雨言方將有雨也

虧悔終吉

占也陽畫
實為盈陰

畫虛為虧悔者心欲改悔也三變為
柔是以盈為虧改悔其舊也故終吉

九四

九居第四畫為鼎之蠱

鼎折足

象也足謂初以初之上應九四而言則為鼎顛趾而何上

以四之下應初六而言則為鼎足折于下鼎覆公餗也

三為公位餗者鼎實也公餗公之餗也四當鼎腹之上口而應初柔是鼎折其足腹卧于地而覆其鼎中之餗

其刑剝

象也剝者則足之刑鼎之折其凶占也初未實足猶人之則其足故曰其刑剝凶鼎之時則顛

趾而以出否為利四已實鼎之後故折足而以覆餗為凶

六五

六居第五畫為鼎之姤

鼎黃耳金鉉

象也黃者中之色居上卦之中故曰黃五畫耦

在九四鼎口之上為耳鉉者鼎之高以木橫貫鼎耳而舉之者也上畫奇在六五鼎耳之上鉉也九剛故為金謂鼎耳之虛能受上之金鉉以實其利貞占也中虛而中也鉉以木為之曰金者取剛之義利貞能受外之剛

以相提挈故
宜正主事

上九

上之畫得九
為鼎之恒

鼎玉鉉

象也上為鼎鉉在五則取九
之剛而曰金在上則取畫剛

而位柔故為玉
玉剛柔兼有

大吉

占也以陽大在上舉
鼎而行故其占吉

无不利

占也
又且

于事无所
不利也

六畫俱六九

為鼎之屯

經家辭凡三字爻辭凡七十九字元亨舊本
作元吉亨程子曰美吉字朱子亦云刑剋舊
本作形渥陸氏曰鄭作刑剋坻氏曰京虞荀
悅九家陸希聲一行竝作刑剋今從之否音
鄙折之舌切餽送鹿切剋音屋註長人知兩
切彖傳直德切援音泰樂道音洛齊著直畧

切局君
熒切



震下（四之四下之十一經）
震上（八純長男主九四）

震

此義皇震下震上之卦而文王亦名之曰震震動也
雷之象一陽動于二陰之內而奮發故曰震此重震

則二雷相
踵而動也

亨

占也震動而萬物發生者亨也
人聞雷而恐懼修省亦能致亨

震驚百里

象也凡震字皆謂動也雷聲聞于百里聞者皆驚震象
諸侯諸侯地方百里以雷聲所及象其政令所及之遠
近也乾下畫易坤下畫為震乾陽君也坤地國邑也分
乾之一陽以主坤之國邑者諸侯之君也一陽象雷聲
二陰象百
里之地
不喪匕鬯
象也喪謂失也匕以升肉于俎鬯
以灌地降神皆祭者所執下震象
已互坎象鬯互艮象手執之震為諸侯為長子皆主宗
廟社稷之祭者主祭之人其心一于誠敬雖值雷震之

威而不喪失其所執之上也
蓋不以驚懼而亂其所守也

初九 初之畫得九 震來虩虩後笑言啞啞 象也初九下

上震之主雷震之威皆此二陽所為也來謂人自外而
入內言雷震之初有自外來至雷震之所者初能恐懼
則後必安樂也程子曰蠅虎謂之虩虩顧慮不自寧
也啞啞言笑和適之貌當震之始恐懼不敢寧則終保
安吉故笑吉占也

六二 六居第二畫 震來厲 占也震來與初九同來謂自
為震之歸妹 震來厲 二而來初也二乘初剛來內

則犯初震億喪貝 象也億者古有說億之戲億度錢貸
之威故危 億喪貝 之數較其中否以相賭賽也後漢梁
冀傳註云若今攤錢也二五皆以陰柔居中為敵應有
相對較利之象故為億貝者水中介蟲古者以為貨漢

志大貝二枚直錢二百一十六牡貝二枚直錢五十么
貝二枚直錢三十小貝二枚直錢十初二三四肖離有
貝象億戲者被震雷驚散而喪失其所億之貝也與不
喪亡毫者異矣一于誠敬者心有主從于貨利者心无
主故
也
躋于九陵
象也九陵謂六三二三四五艮為山六
三在艮山之半故為陵九者艮數人之
怯懦者有所怖畏則辟易數里六二柔居柔怯懦者也
比近初九雷震之威怖畏而喪貝自二從三而避之故
曰躋于
勿逐七日得
象也逐謂追尋七者震數上下更
九陵
怖畏而有喪失又且辟易遠避可謂怯懦无所守矣然
居中得正若有墮甌弗顧之達則有去珠復還之喜故
曰勿用追尋至七日
而所喪之貝可得也

六三

六居第三畫
為震之豐

震蘇蘇

象也蘇蘇神氣緩散自失之
狀三以陰居陽不正自處不

正于平時且不能安沉處震乎故震行无眚占也若因其震懼而蘇蘇然不勝其自失也

行去不正而就正則可以无過眚過也三行則至四正也動以就正為善故二勿逐則自得三能行則无眚以

不正而處震

懼有眚可知

九四

九居第四畫為震之復

震遂泥

象也遂者竟不復還之義三四五互坎四常坎中畫在二

陰之間有遂陷于泥之象震遂泥者言雷聲沈抑陷下不能奮揚而上也虞氏翻曰坤土得水為泥位在坎中故遂泥

六五

六居第五畫為震之隨

震往來厲

占也往來則值震之窮來四則犯震之威故皆危

億无喪

象也五與二對億者也二居柔則志氣餒故逢初九之震而喪其貝五居剛則持守堅故逢九

四之震而无所喪失也陰柔之為億一也然
二有所喪五无所喪者居剛居柔之異也
有事 象也

如必有事焉之義六五有所事謂以固守其
中為事也有事則心有主故威不能懾也

上六 上之畫得六
為震之噬嗑 **震索索** 象也索盡也九四之雷聲至
上六竭矣第一字言聲至六

五而將盡第二字言聲至
上六則已盡也故曰索索 **視矍矍** 象也變為剛則成離
目能視矍矍驚駭不

定貌雷聲耳所聞非目所視也雷聲至上六索索而聽者
元聞矣惟驚駭之餘目視猶有不定也案震卦以重字為

象者五此爻之矍矍與初之矍矍啞啞皆言人也此爻之
索索與三之蘇蘇皆言雷聲也初爻震下有來字謂雷

震之時人自外來者矍矍也三上則言 **征凶** 占也居卦
震者謂雷聲之復生雷聲之已盡也 **征凶** 之終前无

所之征則唯可下行而已 **震不于其躬于其鄰** 象也躬
下行則趨而近威震故凶 **震不于其躬于其鄰** 謂九四

鄰謂六三震上體之主爻在四震之威四所自為而四
元所驚懼故曰不于其躬四之雷聲遂泥下而不上三
在四下為四之鄰迫近九四之
威震而受其驚懼故曰于其鄰
无咎
占也上六與六三
之迫近九四而受驚懼也
婚媾有言
象也凡易言婚媾
因此知所警畏故无咎
者皆謂應爻上六
與六三雖是敵應然同位也三陽位上陰位故六三為
上六之婚媾也上六遠于九四之震而九驚懼六三近
于九四之震而有驚懼故上六則視六三而知畏六
三則怨上六而有言以其獨遠威震而不相顧恤也
六畫俱六九
為震之巽

經彖辭凡十字爻辭凡七十八字彖辭亨字
下舊本有震來虩虩笑言啞啞八字初九爻
辭重出也今正之喪息浪切管勅亮切虩許
逆切啞烏格切泥陸氏曰荀乃低切索桑洛

切翼俱縛切註長子知兩切安樂音洛億度待洛切么于喬切辟易音闢亦從還復生扶

豆切餒努璫切



艮下

○七之七下之十一經
八純少男主上九

艮其背

此義望艮下艮上之卦而文王亦名之曰艮止也一陽止于二陰之上而不行故曰艮此重

艮則內外俱止也卦名連象辭象也背北堂也詩曰馬得諼草言樹之背背謂初六不獲其身象

艮為手能獲行其庭象也三四五互震為身謂六四足能行庭謂上九不見其人象

三四五上肖離為无咎占也卦之二三四五象堂房室目能見人謂九三初在堂之後象背上在堂之前

象庭以一人之體言四為身以三才之位言三為人六四之身艮于初九之背者身止于其內也身既止于內

而形不在外初六不應六四也六四亦不應初六故外亦不能獲其止于內之身內不出靜而止也九三之人行于上九之庭者人行于其外也人雖行于外而影不至內上九不應九三也九三亦不應上九故內亦不能見其行于外之人外不入動而止也陰靜陽動靜者止于內動者行于外初六陰畫而在內故象止上九陽畫而在外故象行初內之下四外之下三內之上上外之上四之身止于其初之背三之人行于其上之庭同位故也外不獲乎內內不見乎外敵體不相應无與故也无與當有咎以內外各止其所故无咎也

初六

初之畫得六為艮之賁

艮其趾

象也初當下體之下象趾趾能行者也六陰畫能靜止于

下而不行故曰艮其趾

无咎

占也位不當有咎也止而不行故无咎

利永貞

占也陰柔非能

固守者以居剛而變為剛故永久正主其事而利也

六二

六居第二畫為艮之蠱

艮其腓

象也二當下體之中象腓腓在股之下隨于股而好自動

二居中得正自止其所而不動故曰艮其腓此其字指二而言

不拯其隨

象也九三下卦之主二民

之君也六二在其下乃其隨從者然以中正自守止其所止而不上從于三故三亦不援手而拯之故曰不拯

其隨此其字指三而言

其心不快

象也心謂六五快猶喜也二五柔中同德同位然敵應不相與

故二不應五而五亦不快于二也不快謂其不相取不相得也此其字指五而言蓋六二中正自守近不昵同體之三遠不應同位之五不願乎其外如此可謂能止其所止者矣

九三

九居第三畫為艮之剝

艮其限

象也限者上下之際腓之上身之下也三以剛居剛而不

中止之太過者也凡人上下之際須轉動屈伸止其限而不轉動屈伸可乎

列其夤

象也列分裂也

脊背脊肉屬上體指四而言脊即呂也謂之脊力者人之有力由于此止其限則上下體分隔為二如裂絕其實而血脉不屬占也過剛而止其熏心占之象也熏如相聯貫矣所不可止者故危

曰憂心如熏三四五上肖離為火有熏象心者六五也九三止其上下之限六四之負既裂絕而不相屬矣其為危屬又越比近之六四而上熏于六五雖相去之遠者亦覺其危以言其危之甚也

六四

六居第四畫為艮之旅

艮其身

象也身謂股以上膈以下前臍腹後腰脊腎所在處乃生

身之所由始故以此為身呼吸之根氣所從生也止其身則氣住而神亦住四以柔居柔專氣致柔者所以止其身也

无咎

占也柔而正得止其身之道故无咎

六五

六居第五畫為艮之漸

艮其輔

象也五當腹之上項之下心之位也不言止其心者凡一

身衆體之止皆心止之也輔在口旁言所從出謂上九也上九艮之主爻五為心而在上九之內為上九宰制其所當止者以心止上九之輔不待至上九而言有序于六五之爻曰止其輔者止之于未言之先也象也言者心之聲也非禮勿言一皆聽命于悔亡先立心則口无擇言而言必中倫矣故曰有序

乎其大者言前定則不踰故悔亡

上九

上之畫得九為艮之謙

敦艮

象也上變為柔成坤故象與臨上復五同敦者如地之厚也敦

厚于止故曰敦艮此爻一卦之主也故不言艮其蓋諸爻之艮皆上之敦也吉占也三亦下剛居剛止而過者也止非其所當止故厲上以剛居柔止而不過者也止于其所當止故吉六爻唯此最善

六畫俱六九為艮之兌

經彖辭凡十六字爻辭凡五十六字背音佩
舊讀為人身之背今案爻辭其趾其腓其限
其身其輔是就人身取象彖辭其背與其庭
為對是就宮室取象舊讀非陸氏曰徐蒔載
切今從其音黃引真切熏許云切註誤匪元
切好自虛到切隨從才用切援手音泰昵尼
質切轉朱戀切相屬之欲切
隔音格中倫貞仲切



艮下
巽上

○ 七之五下之十二緯
三陰否變主九三

漸

此義皇艮下巽上之卦而文王名之曰漸漸者進有
次序而不急遽也山上有木以漸而長內男聘外女

以漸而進

女歸吉

占也巽女在外將入而未來歸艮男
在內方止而未往迎有女歸以漸之

象聘則為妻奔則為妾自納采問名納吉納徵請期親

迎六禮備而後成婚女歸之以漸如此卦自否變三往

四為異女四來三為艮利貞占也二三四五剛柔各得男得位之正所以吉也

居上居外柔居下居內亦得女歸之正故利于正主事者

初六

初之畫得六為漸之家人

鴻漸于干

象也巽為鴻于水涯也二三四五坎為水初近水為

干初六鴻之止于水涯而未遠去者也鴻水鳥而乘風以飛下卦艮止而有坎水故下三爻之象曰干曰磐曰陸皆鴻之漸進而止于水際者也上卦巽為風為高故上三爻之象曰木曰陵曰遠皆鴻之漸進而飛于風中也

小子厲

占也艮為小子幼弱在下初進而无應故危而不安項氏曰小子對丈夫言士窮則困于

有言

象也危而又有言語之傷也

无咎

占也項氏曰初始離水其進不速猶在水濱窮戚之

地小憂小故時時有之然寧止于此而不進則于義猶无失也元稹初時亦不肯苟合特以不能堪困躓之厄

受眾多之言遂改途而妄進故以此戒之

六二

六居第二畫為漸之巽

鴻漸于磐

象也磐石之安平者蓋水旁石墩也漢書引易作般

註云水中堆也鴻離水涯進而止于水旁之墩坎為石互坎之下畫故為磐程子曰自干之磐又漸進也二五

以中正相應其進之安平莫加焉

飲食衎衎

象也坎為飲二變為剛成兌為食衎衎和樂自得貌

中正相應止而不急于進自養以俟時者也

吉

占也居易以俟命故吉

九三

九居第三畫為漸之觀

鴻漸于陸

象也地之高平曰陸九三互坎之中畫水中也變為

柔成坤為平地在下體之上是水中有平地而高故曰陸鴻水宿之鳥于水之涯地雖窮戚而切近于水磐

在水旁而高于干雖離水而安平暫棲息焉得其所矣九三高平之陸雖在水中然謂之陸則有人耕治非如

磐石之上人跡不到而可安棲也詩言鴻飛遵陸毛傳亦謂陸非鴻所宜止水中變為平地非其常也水鳥止于平陸非所安也初二柔而靜故漸而得其所止九三剛而躁故漸而不得其所止以剛居剛故躁夫征

不復婦孕不育

象也三往為六四四來為九三自否變為漸而九三得居正位三四男女之交

也九三剛躁不安其居又欲往四則漸變為否而男女不交矣三艮男夫也征謂行而往四三往四則上體成乾上征而不下復故曰征不復四巽女婦也四之位為腹艮為少男在腹之內孕也四來三則下體成坤而艮體壞有坤母而无艮男故曰孕不育三凶占也夫婦離往則四來因夫征不復故孕婦不育也凶居而繼嗣不成故利禦寇占也互坎為寇艮禦止之故曰利禦寇禦寇謂止三之動則三四不相往來而漸體不變矣

六四

六居第四畫為漸之遯

鴻漸于木

象也六四巽之下畫也象木鴻不木棲漸于木者非

止

集于木飛而過其上如鳥鵲南飛遠樹三匝也上體之下飛而未高猶在木杪也

或得其桷

象也

桷

屋椽之方者鴻之飛過木上也或得橫平之柯有似于桷苟可以棲猶有棲止之意故曰或得其桷巽為木

而六居四得正故象橫平之柯乘風之鴻可高飛矣漸進不遽迴翔人間未即冲天也猶將擇木而止賢人君

子之難進者似之

无咎

占也居上乘風而其進不遽故无咎

九五

九居第五畫為漸之艮

鴻漸于陵

象也九五變為乘成艮在艮山之半故曰陵漸于陵

者飛而過高陵之上也詩曰猷彼飛隼率彼中陵

婦三歲不孕終莫之勝

象也二為

五之正應婦也體有少男為孕互坎下畫坎數三為三歲進以漸而不急速五與二經三歲之久未諧夫婦之

好故不孕正應終必得合故曰終莫之勝程子曰二正
應而中正之德同乃隔于三四三比二四比五皆隔其
交者也未能即合至三歲不孕然終莫之能勝但其合
有漸耳虞氏翻曰勝陵也澄案勝无訓陵者勝堪也任
也莫之勝謂莫之能任也中正相應惟二五相堪終无
有能如之者舊讀作勝負之勝非也无爭何有于勝若
同人之四五則與九三有爭故必克勝而後相遇也然
則三四隔二五之交者何也曰二五中正而應天作之
合也然五近于四四亦欲以爲夫二近于三三亦欲以
爲婦故五不得以速聘二二不得以早許五也久而他
議寢然後正配諧所謂終莫之勝也三四既爲夫婦而
二五又爲夫婦何也曰三四雖以往來相易而成夫婦
然比也而非應也二五則以剛柔正應而成夫吉占也
婦乃夫婦之得其正者故爻辭特于九五明之吉終得
相合
故吉

上九

上之畫得九為漸之蹇

鴻漸于逵

象也逵舊作陸安定胡氏曰當作逵字體相類傳錄

誤也程子從之朱子曰以韻讀之良是澄案蓋因襲之訛益為昌也路九達曰逵容九軌曰逵路也天上風高之處鴻翼戾天飛過九達九達之逵通道大都之人皆見之也震為大塗下艮乃震之倒體自上視下倒是為鴻漸在天際下視人間地其羽可用為儀象也儀法也如鳳皇來儀上之大塗所謂漸于逵也

之儀詩曰鴻鴈于飛肅肅其羽言其羽翮整肅羣飛有序可為儀法也項氏曰胡以陸為逵是也雖辭協韻當然然不必謂之雲路鴻之漸于逵飛而過之如六鷁之過宋都又辭恐人以為鴻有立于逵者故繼之以其羽可用為儀望飛鴻之羽于九達

之逵見其次序之足儀刑也

吉

占也六爻之占上九為最吉

六畫俱六九為漸之歸妹

經彖辭凡六字又辭凡八十三字衍苦岸切
勝音升達渠規切註而長知兩切迎宜慶切
離水力智切慎止忍切墮職利切墪音敦
音盤和樂音洛居易以政切少男詩照切離
居如字匝作納切歇音欲之好虛到切仕音
壬勝負繩證切益丑畧切昌符缶切翮下草
切蠨
音宙



兌下 ○ 二之四下之十二緯
震上 三陽泰變主六三

歸妹

此義皇兌下震上之卦而文王名之曰歸妹婦人
謂嫁曰歸妹者少女也兌為少女而居內卦內卦

夫家也婦人內夫家故以入于夫家為歸震長男也而
居外卦外卦女家也卦自泰而變乾三往四成震乾父
沒而長子承家以兄而
嫁其妹也故曰歸妹 征凶 占也此以三四二畫言泰
之三四當位三往四四來

三而變歸妹則三四皆不當位
是因征行而失正也故征凶
无攸利 占也此以初上

當位然上以柔居一卦之上初以剛
居一卦之下柔乘剛故亦无所利

初九 初之畫得九歸妹以娣 象也此為卦之初爻不取
為歸妹之解

義歸妹者將歸之妹謂六五也以與妾以
其子之以同娣女弟為媵者謂六三也
跛能履 象也

之下體兌也六三有跛能履眇能視之象歸妹之下體
亦兌也初九曰跛能履九二曰眇能視分履卦六三之

二象于二爻其二象皆指六三一爻而言也兌體變震
足之中畫跛也初二為地六三在初二之上履地者也

六爻獨二五相應有夫婦之義六五在女家為震凡所
歸之妹九二在夫家為兌女所從之夫六三即泰之六

四為六五之娣泰三四相易成歸妹六四來居三女君
未歸而先至夫家比近于夫既非匹配之正无與為偶

如兩足而跛其一雖能履地亦何為哉

征吉

占也六四之降為六三非正也而為卦主故言六三如跛

者之能履若征行而往四上承六五之女君以同歸于夫家則吉矣初九即泰之初九也泰初九其占征吉故此爻其占亦同泰言一爻之義謂三征于四則吉也

九二

九居第二畫為歸妹之震眇能視象也此象亦指六三而言離

離目能視也六三歸妹之主爻然與利幽人之貞占也

九二非匹配之正故象眇者之能視利幽人之貞占也

曰二以五為婦三雖相比非正配如兩目之眇其一為九二者但當守幽人之貞以俟正配澄案履之九二其

六三

六居第三畫為歸妹之大壯

歸妹以須

象也須賤女媵之妾也天文有須女字或作類

欽定四庫全書

卷二

六

楚辭女媧之嬋娟荀陸續作孺子夏孟京作口音義竝同六三來自泰之六四六四于五為娣今來居三失其正矣故降為娣也反歸以娣象也反謂還其舊處三若反而不得為娣也居於四待六五女君之歸而以其娣同行則得娣之正矣漸與歸妹皆因三四之往來成卦然漸自否變不宜再變復為否也故九三夫征不復則可憂歸妹自泰變欲令再變復為泰也故六三反歸以娣則可喜

九四

九居第四畫歸妹愆期

象也上卦震為長男九四以震一陽為女家之主歸

妹之兄也四為兄五為妹九二為壻皆不得位故婚姻不得及其時此歸妹之所以愆期也

遲歸有

時

象也雖遲其歸必有其時雖不言吉亦无凶也

六五

六居第五畫帝乙歸妹

象也帝乙謂九四所歸之妹謂六五歸妹六五即泰

之六五也故象與泰六五同
柔得中居尊帝女之貴也

其君之袂不如其娣之袂

良

象也君謂女君袂衣袖也良善也美也乾為衣一衣而二袂乾三畫皆奇變其外一奇為耦者袂之象下

卦

六三娣之袂也六五變為奇則上六為女君之袂然必六五變為奇而後成如裁改而成之袂不如下卦六

三之袂固有而自成者之為善也帝女下嫁有中德不尚外飾故其袂不如其娣之袂良娣則以容飾事人者

也

月幾望

象也巽為月既望之象六五變為剛則三四五成巽六三當巽之下畫而為卦主娣盛亢

君月望亢

吉

占也娣之袂良于君月之望亢于日六三始上僭矣六五以已之立德為貴不計人

日之象
之何如也吉者自

吉爾人何與焉

上六

上之畫得六
為歸妹之睽

女承筐无實士刲羊无血

象也女謂
上六士謂

欽定四庫全書

易纂言
卷二

六十一

初九此卦六爻惟九二六五相應成夫婦五為所歸之
妹二為歸妹之婿三四無應不得位而為成卦之主四
為歸妹之兄而愆其歸妹之期不得為兄之道矣三為
歸妹之娣而降居賤女之列不得為娣之道矣初二
又陰陽得位而無應此男女之守正而婚姻不成者也
有室者男女之初也于其初無室可受則不成娶故不
得為夫而但稱士適人者女之終也于其終無人可適
則不成嫁故不得為婦而但稱女女之嫁者非受幣不
交不親上卦震有筐之象上六欲從夫于三而三非陽
也陽為實無陽則無以實其筐故曰承筐無實蓋婚不
成而無納幣之禮也士之娶者為酒食以召鄉黨僚友
下卦兌為羊初九欲迎婦于四而四非陰也陰為血無
陰則無血故曰刲羊無血蓋婚不**无攸利**占也與彖辭
成不饗食賓客不刲羊故无血也**无攸利**同咸恒漸歸
妹四卦之為男女夫婦何也曰漸者男方求女之事歸
妹者女將歸男之時以未成夫婦而名卦也咸者夫婦

始初相合之情恒者夫婦終久相處之道以已成夫婦而名卦也漸歸妹皆內卦為男家外卦為女家故漸內艮外巽若歸妹之內兄者歸于男家之娣也外震者主于女家之兄也咸恒皆內卦為女身外卦為男身故恒內巽外震若咸之內艮者男之下交乎女也外兌者女之上交乎男也

六畫俱九六為歸妹之漸

經彖辭凡七字爻辭凡七十六字娣大計切跛波可切眇彌小切袂彌世切幾讀作既剗苦圭切註少詩照切長知兩切媵以證切亢苦浪切饗食音嗣



離下 震上 ○ 三之四下之十三緯 三陽泰變主六二

豐

此義皇離下震上之卦而文王名之曰豐亨 占也盛大之時 豐盛大也雷電交至聲光赫奕盛大之義

百嘉所聚也

王假之

象也假至也王假之者就諸侯之國而

為日象王離日下照居內為主蓋天子巡守侯國入其

國內而為主所謂天子无容禮也離入居下有明入地

中太陽下同萬物之疑故彖辭特以天子適諸侯取義

勿憂占也盛大之時當豫者當有道以常保其盛大不可

徒憂而已能持滿則可不憂也宜日中象也盛大之時

如過中也不可令其過也初九為豐之小過遇其配主

象也配主謂六二陰陽之合曰配主者六二為卦之

主爻雖旬无咎占也旬十日也離初納已卯離二納已

也雖旬无咎占也旬十日也離初納已卯離二納已

不可以久然淹留十日亦无咎也但不可過旬之外凡

卜筮吉凶以一旬之內為斷過旬則再卜再筮矣故于

初二之過亦以**往有尚**占也往謂往二遇者彼此不相
一句為限節也

遇也初二皆无應則固可相配合尚謂配合在已上者
初往求合于二則二在其上而為之配故曰往有尚

六二六居第二畫**豐其蔀**象也蔀障蔽之物五天之位
為豐之大壯

在天之下**日中見斗**象也二之應位在五如麗天之日
如障蔽然

天中而光照地上故二象日中九四為蔀障蔽麗天之
日而地上无光日暗則星見故日中而見斗也斗北斗

七星星之大而易見**往得疑疾**占也疑疾如樂廣之容
者震仰盂有斗象

因疑而得疾也凡陽者无疑暗則多疑麗天之日不明
則照地之日无光二既昏暗故不可以往往則必得心

疑之**有孚**占也**發若**占之意也二若不往則有四三之陽
疾也

謂徹去吉占也初九待二來遇則二失正往合于二則其蔽也初得中故初不宜待而宜往待則有過旬之

咎往則有尚也六二往求于三四則此失中待三四來乎則彼得中故二不宜往而宜待往則有心疑之疾待

則有孚而吉也

九三

九居第三畫為豐之震

豐其沛

象也陸氏曰沛或作旆澄案古字通用旆旛幔之屬凡陽

畫連亘不開皆象障蔽之物故四為節三為旆四既為節障蔽日明三又為旆在節之下重障蔽之則明者愈

暗日中見沫

象也沫斗下小星也震象斗三在震下斗下之星也暗未甚則但見大而易見之星

見斗是也暗愈甚則雖小而折其右肱

象也三四互兌為右為肱五

難見之星亦見見沫是也折其右肱亦為肱右肱謂六五也六五當兌上畫兌為毀折故曰折五如日之在天中四與三重蔽五之明不能照下故

二當日中而无光二卦主也既蔽五无咎占也四之蔽

之明如人之折其右肱而不可用也

重三之蔽輕

蔽五非專三之咎

故在九三為无咎

九四

九居第四畫豐其蔀象也與六二同蔀者正指九

為豐之明夷

四而言故于此爻又言其象

日中見斗

象也與六二同日中謂六二斗者震象卦因二

四相易而成此二象故二爻之辭同剛自二

往四為蔀而蔽五之明故遇其夷主

象也二豐之主爻

二當日中昏暗而見斗也為四所障礙而昏

暗二之明在天為四所傷也四變為柔成明夷故四以

二為夷主謂遭傷之主也四若下與夷主遇則剛柔相

易豐轉為泰蔀吉占也為

徹而明不傷矣泰故吉

六五

六居第五畫

來章

象也來謂下求四五四皆无應

相間而成章
故曰來章

有慶譽

占也陰下從陽是庸愚從賢智既
有福慶歸于已而又有名譽聞于

人也

吉

占也有慶有
譽所以吉也

上六

上之畫得六
為豐之離

豐其屋

象也上六柔變為剛蓋覆于
上如屋又居極高之地有崇

大其屋
之象

蔀其家

象也上變為剛則六五當離之中畫在
上之內為家九四障蔽于其下為蔀故

曰蔀闕其戶闕其无人三歲不覲

象也五中虛象戶三
居人位與上應為其

家之人然隱藏于下為九四之蔀所隔而不得見上故
自外而居其戶則其家內闕其无人覲見面也九三深

藏于內雖三歲之久亦不能與
上六相見有障隔故也三震數凶占

六畫俱六九

為豐之渙

經彖辭凡十字爻辭凡八十八字假庚白切
節普苟切沛與旆同莆蓋切洙音妹闕苦規
切闕苦賜切註守詩又切令離丁切斷廷亂
切星見賢遍切餘竝如字易見以政切旌孚
煩切慢莫半切相間
居限切覆孚豆切



艮下
離上

○七之三下之十三緯
三陰否變主六五

旅

此義皇艮下離上之卦而文王名之曰旅旅者衆處
于外之名凡家居者入而舉火于內旅寓者止而舉

火于外晝食夜宿皆欲憑高見遠每
依山而舉火故山上有火為旅之義
小亨 占也小亨小

為旅之主五陰也故曰小
旅貞吉 占也內艮為止外離
以其得中而順于剛故亨
為麗為明止宿而麗

于明處旅中之正主事者如此則吉此蓋指九三
而言彖辭之占吉而爻辭之占厲取義各不同也

初六

初之畫得六為旅之離

旅瑣瑣

象也此旅字无所指名于旅初之時泛言處旅之道爾瑣

瑣細碎貌六為陰小初又卑下小之又小者也故曰瑣瑣

斯其所取灾

占也旅貴乎得眾旅而瑣

瑣則失眾心此其所以取灾也

六二

六居第二畫為旅之鼎

旅即次

象也旅謂六五也旅因三五相易而成卦六五上卦之主

九三下卦之主卦中稱旅者六五與九三也旅以應位為次六二者上旅六五之次上九者下旅九三之次也六五下就六二既得中又

懷其資

象也懷謂懷藏而不失資者財貨也異為

利二三四得童僕貞

象也艮少男童也艮中畫為童僕之能正主事者有宿止之地有資

用之財有幹事之童僕六五之旅得六二為次而諸美具焉

九三

九居第三畫為旅之晉

旅焚其次

象也旅謂九三其次則上九也上九為九三之次而

在離火之上故為焚其次

喪其童僕貞

象也否卦六居三當互艮中畫為童僕之貞者否變為旅

則艮之中畫去三而就五

厲

占也處旅不善而居下之上危地也

九四

九居第四畫為旅之艮

旅于處

象也此旅謂六五也九四乃六五比近依乘故曰于處處

謂暫時居處非其次舍也

得其資斧

象也互巽為資巽木連離兵為斧斧者行旅所用以析薪斬伐

者也周公東征有破斧之詩

我心不快

象也我謂五也卦主故稱我五之位為心依乘近地而處

有資有斧亦云可矣然所依者居柔之剛非正位也豈心之所樂哉故我心不快必若六二之得正位乃為得

所安之次舍也

六五

六居第五畫
為旅之遯

射雉一矢亡

象也離為雉乾之剛象
矢以卦變言六上居五

變乾為離射而得雉也乾之三陽一下居三三矢終以
而亡其一也朱子曰亡如秦无亡矢遺鏃之亡

譽命

占也六五之旅始者乾以射取文明之柔而不免
亡矢中實之陽及其終也即應位之次則有二之

譽有五之命羈旅之中名譽未易得命令未易行人
之譽歸于己己之命行于人旅而能兼之者蓋鮮矣

上九

上之畫得九
為旅之小過

鳥焚其巢

象也上變為柔成小過有
飛鳥之象三四為鳥身而

三之位與上應鳥蓋指九三也二三四互巽為木五上
在巽木之上象鳥巢在木杪六五耦畫巢之中空處上
九奇畫巢之上覆也當離火之上畫為火焚其巢上奇
變為耦象巢被火焚而毀其上覆九三為旅人則上九
為旅之次九三象鳥則上九為鳥之巢
上九之焚其巢即九三之焚其次也

旅人先笑後號

咷象也旅人九三也三居六畫卦之人位九為笑離為咷咷咷同人離在下五變為柔三四五互九在上故為先

號咷而後笑此旅卦三四五互九在下離在上故為先笑後號咷蓋九三先在下而未遭焚則笑後就上而遭

焚則喪牛于易象也小過坎之複體象與離為牛在前號咷喪牛于易有旅人以牛服車之象上既變為柔失

離體為喪牛上一卦窮處疆場之凶占也喪失其牛則象旅人喪其服車之牛于境外也無以挽資糧之重

車而不可行矣所謂凶也此卦六畫惟六五九三為旅人初言其時二四上言其地五本失位而以六二為次

則得位三本得位而以上九為次則失位蓋處旅之道宜柔不宜剛五柔而中三剛而過是以五得財得人而

譽命三既无可居又不可行而凶也

六畫俱六九為旅之節

經彖辭凡六字爻辭凡七十六字喪息浪切
卦內及下卦同射食亦切于易音亦註少男
詩照切所樂音洛未易以鼓切解
悉翦切空處昌據切上覆孚豆切



巽下 巽上 五之五下之十四經
八純長女主六四

巽

此義皇巽下巽上之卦而文王亦名之
曰巽巽入也一陰入伏于二陽之下也

小亨

占也卦以二陰

為主故其占
為小者亨也

利有攸往

占也柔在內剛在外內柔往
外順從于陽故利有攸往

利

見大人

占也二五陽剛居中陽為大中
為人位大人也故利見大人

初六

初之畫得六
為巽之小畜

進退

象也巽為進退不果陰欲進而
從于陽又欲退而安于下疑而

不決也

利武人之貞

占也武人質柔而位剛又依附外剛
以為強如人之被甲冑執戈兵六居

初比九二二人位也初以二之剛為己之強故曰武人剛強自治然後能果決而上進以從陽故利武人之貞

九二

九居第二畫為巽之漸

巽在牀下

象也初耦二奇有牀之象巽為卑伏而入于下指初

六而言牀者二也初在二下卑伏而入于下之象

用史巫紛若

占之象也史作策以告神巫歌

舞以事神皆卑下順承以求神者也紛若多也卦之名巽本取二柔之卑伏者言然巽之時陽亦當卑巽故陽

爻亦以巽為善蓋陽為陰所順從亦必以卑巽待之若剛強自處非所以懷柔順服之人也二剛而得中又居

柔故亦能卑巽二之位與五應與三比卑巽以同于在上比應之陽如人之卑巽以事神然既能巽于在已上

者則亦能巽于在已下者矣

吉

占也能巽于上則能巽于下而吉也

无咎

占也不當位宜有咎得中

故无咎也

九三

為九居第三畫

頻巽

象也三變為柔則下卦成坎三

于水之象九三以剛居剛非能卑巽者當下

吝

占也頻

各故

六四

為六居第四畫

悔亡

占也元應承乘皆剛當有悔田

獲三品

象也四上卦之地田也獵者所獲一為乾豆以

于上下之陽如獵于田者之獲三品而通

九五

為九居第五畫

貞吉

占也剛巽乎中正

悔亡

占也元

悔中

正无不利

占也剛而中正故

无初有終

占也下比

故亡

初上同于先庚三日後庚三日占也先于庚之三日者

剛故有終丁也後于庚之三日者

癸也巽之主爻六四為西方庚辛故先後自庚而數二三四互兌納丁三四五互離納癸離納己又納癸者已

為日之體朔日子時日吉占也筮日則丁

會月于癸故又納癸也癸吉皆柔日也

上九上之畫得九巽在牀下象也四耦五奇亦有牀象

在五之下巽在牀下也四卑伏以從上二陽猶初之卑伏以從下二陽也故其象同然二能有初之巽而上不

能有四喪其資斧象也下巽為資互離為兵貫于巽木

之外不能有之貞凶占也如此而正

是喪其資斧也六畫俱六九為巽之震

經彖辭凡十一字爻辭凡七十字先
庚悉薦切註乾豆音干而數色主切



兌上○二之二下之十四經
兌上八純少女主上六

兄

此義皇兌下兌上之卦而文王亦名之曰
兄兌說也一柔見于二剛之上而說也

亨

占也程
子曰物

莫不說而與
之是以致亨利貞

占也利正主事者防
非道邪諂之說也

初九

初之畫得九
為兄之困

和兌

象也六畫惟初不比陰柔與九
二相說二陽相比說道之善故

曰和者中節而无所乖戾也兌之說
以三上二柔言也而四剛畫亦取說義

吉占

九二

九居第二畫
為兌之隨

孚兌

象也二以中
實孚于三也

吉占

悔亡占也此
柔當有

悔所以誠心待小人則小人
无所用其姦故其悔亡

六三

六居第三畫
為兌之夫

來兌

象也三不中正下求說于二故
曰來兌小人以諂說媚君子者

也

凶

占

九四

九居第四畫
為兌之節

商兌

象也商度量也與周書商賚九
章商工商除之商同義四下比

三柔上承五剛皆其所說
故商度其所說而未定

未寧介疾有喜

占也未寧者
未定也四與

五同體同德始雖商度未定終能舍三說五
介疾者介
乎上下之疾有喜者疾安也未寧之疾安謂无復有不
定之意也

九五

九居第五畫
為兌之歸妹

孚于剥

象也五之中實孚于上猶二
之孚于三也然陰者在下之

物居于極上者剥陽已盡而後能至上
也五之孚于上者孚于剥陽之陰也

有厲

占也君子
誠心待小

人然小人未必无害君子之心也故有有厲之戒有厲者今未厲也言其有則不可不知戒也

上六

上之畫得六為兌之履

引兌

象也說至于上可以己矣樂不可極也陰柔但知以說為事于

說之終又引而長之豈君子之說哉

六畫俱九六

為兌之艮

經彖辭凡四字又辭凡三十八字註說音曰見賢遍切中節貞仲切度量待洛切舍三音

捨无復扶豆

切樂音洛

䷦

坎下巽上

六之五下之十五緯三陰否變主九二

渙

此義皇坎下巽上之卦而文王名之曰渙渙散也離也水凝結而冰合風渙散之則冰釋而離也

亨

占也二五剛中故亨

王假有廟

象也五為王三四五互艮為宗廟九五當

互艮之上象王者祭祀而至于宗廟之中也案萃卦渙卦皆言王假有廟蔡氏曰人生則神氣聚死則神氣散朱子曰祖考之精神既散王者當至廟以聚之也

利涉大川

占也卦有舟象故繫辭下傳舟楫之

利以濟不通

利貞

占也

初六

初之畫得六為渙之中孚

用拯馬壯

象也坎水在下風渙之于上此水凍將釋之初也水

凍合則車行其上水將釋而不疾馳則陷矣故用以拯渙必馬壯也坎馬在後二三四互震馬在前與明夷六

二吉

占也

九二

九居第二畫為渙之觀

渙奔其机

象也否之三陽聚處于上四之一陽降而居二乃成

坎體坎為興二在坎與中如車中之有機是為機
散之時而奔就其居中宜有悔
悔亡

占也陽居陰位陷陰中宜有悔
也得所依倚而安故其悔亡

六三

六居第三畫
為渙之巽

渙其躬

象也四于人之體為躬否九
四之剛乃六三之柔所比近

者如人下體之股比于上體之躬也否之九自四
降二而為渙則四躬與三股相離矣故曰渙其躬无悔

占也躬自去四而就三
非三之過也故无悔

六四

六居第四畫
為渙之訟

渙其羣

象也其羣謂初六六三也否
卦三陰同處于下為羣二之

一陰去二升四離其初三陰柔之羣故曰渙其元吉
羣蔡氏曰言散其同類之私羣而上同乎五也占

上同剛中正之五其德
之所以為元而吉也

渙有丘

象也三四互艮為山
四山之半為丘六自二

升四是渙散其羣而有匪夷所思象也四上同于五自

此丘也故曰渙有丘五言之則曰四自二

升而有丘匪遭傷夷者也乃吾所思者爾卦之五畫俱

變而惟四之一畫不變則為明夷故曰匪夷四上同于

五而五當心位故四為五之所思也

九五為渙之象渙汗其大號象也巽為風大塊噫氣

大號者風也五者心之位汗者心之液風中于心以汗

而散由中心決于四體則散矣故曰渙汗其大號巽風

命令之象王言自中心而發為命令以徧及于四方猶

風之自中心而散為汗液以周決于四體也不言風而

曰其大號猶也九五渙王居象也居如居貞之居言處

不言雨而曰其膏也渙王居而不去也五上卦之中王

之位也王之命令當如風之散于四方而王之位則當

常居于中渙王居者在渙之時唯王居中而不渙也若

欽定四庫全書

卷二

出居于鄭居于狄泉居于成周者不得居无咎占也渙中而居于外王位之渙也豈宜見此事哉王獨居于中而不渙則无咎也之時惟

上九

上之畫得九為渙之坎

渙其血

象也上應三三坎體之陰血也上居渙之終去三遠為渙

其血之象謂血之凝聚結毒為害而今渙散之也

去逖出

象也逖遠也上去三遠猶人去其禍害而

遠出則禍害不能及之也

无咎

占也

六畫俱六九為渙之豐

經彖辭凡十二字爻辭凡五十八字假庚白切號平聲逖徒歷切註下傳直總切噫于界

切風中貞仲切



兌下 坎上 ○ 二之六下之十五 緯
三陽泰變主九五

節

此義皇兌下坎上之卦而文王名之曰節節猶竹節之節有分限而不可踰越也澤之上有水其所容受有

限則故亨

占也九五苦節

象也苦火之味初至五肖離上六節之極離火之所熏

故其象為苦節苦節者節之太過也

不可貞

占也節貴乎得中乃可以正主事太過則不可貞矣

初九

初之畫得九為節之坎

不出戶庭

象也初變為耦象戶二在戶前為庭二之剛畫室塞

于前不无咎

占也當節之初守正于內而不出故无咎

九二

九居第二畫為節之屯

不出門庭

象也二變為柔成震震者艮之倒體有門闕之象三

四在二前為門外之庭畫皆耦而无所窒礙出三四則上合于剛中正之九五矣九二以敵應不相與故不出

欽定四庫全書

卷二

門凶

占也可出而不出
不合時宜故凶

六三

六居第三畫
為節之需

不節若則嗟若

象也六三不中正雖
或不節之事然居

澤之上有所限止而兌口有能嗟之象三
節而能嗟與泰侈而不自知其非者異矣

无咎

占也以
不節為

嗟故
无咎

六四

六居第四畫
為節之兌

安節

象也節上三爻皆能節者蓋澤
之止水有限止故也四承中正

之五所居得正安于節而无所
強勉者坤體之陰靜重故能亨

亨

占也承上
得正故亨

九五

九居第五畫
為節之臨

甘節

象也五變為柔成坤坤為土土
之味甘故為甘節甘者樂易而

无難
之謂

吉往有尚

占也下雖无應于二然有六四往
外承上而與已配合故曰往有尚

凡爻辭言往皆謂內往外然有此往彼者亦有彼往此者也六四往吉初往四也睽上九往遇兩三往上也此之往有尚四往五也

上六

上之畫得六為節之中孚

苦節

象也上六變為剛則六畫成複體之離離為火火味苦居節之

極而又變為剛節之貞凶

占也節之太過正主事則凶

悔亡

占也苦節雖有

悔然能過于節禮與其吝也寧儉故其悔亡

六畫俱九六

為節之旅

經彖辭凡七字爻辭凡四十六字註強勉其兩切樂易上音洛下以歧切

䷧

兌下巽上

○二之五下之十六緯八純離變主六四

中孚

此義皇兄下巽上之卦而文王名之曰中孚中謂二五此以實感而彼應之曰孚二五剛實居中以

中心之實感入而三四二柔皆孚應之風豚魚象也豚

感于上則澤之浪遙應于下其信不渝也

豚魚

象也豚

之物似猪俗謂江豚澤將有風則浮出水面有南風則

口何南有北風則口何北舟人稱為風信唐人詩曰江

豚吹浪夜還風風澤之卦故取吉

占也信如豚魚則吉也

利涉大

川占也巽木在兌澤之

利貞

占也四為卦主得

上卦體中虛有舟象

初九

初之畫得九為中孚之渙

虞吉

象連占也初居澤之內如澤之

于外專守其職不

有他不燕

占也有他謂外應四也若不專孚于九二而又有他

志則不安矣

九二

九居第二畫為中孚之益

鳴鶴在陰其子和之

象也二三四互震為鳴為鶴二

陰位澤之中山之下幽隱之處故曰在陰子謂六三陽大陰小九二陽也鶴之大者六三陰也鶴之小者故二

為鶴而三

我有好爵吾與爾靡之

象也我六四也四中孚之主故稱我好爵

猶曰尊爵謂九五也天下有違尊三爵一齒一德一德之尊者稱其人為懿德詩言好是懿德是也爵之尊者

稱其人為好爵此言我有好爵是也猶詩言我有嘉賓也九五位在六四之上故六四稱之為好爵猶儀禮士

稱大夫為異爵也吾亦謂六四爾謂九二也靡與靡通謂係戀之也四與五相孚二與五同位亦以中實相孚

故設為六四卦主與九二言我有九五之好爵我與爾之心同向慕之鶴鳴子和二得三之孚也吾與爾靡之

四與二共孚于五也

六三

六居第三畫為中孚之小畜

得敵

象也敵謂與己同等者也三與四同為陰柔敵也

或

鼓或罷或泣或歌

象也三與四二柔雖同類然其志不同而相反三鼓四罷四泣三歌三居

剛互震之中畫震動故為鼓又兌口也故為歌四居柔互艮之中畫艮止故為罷四多懼又離目也故為泣四

得正而上孚于五矣三不實而欲四之孚故四不來孚也

六四

六居第四畫為中孚之履

月幾望

象也巽為月既望之象六四當巽下畫為中孚之主陰之

得位得時者也其盛如既望之月

馬匹亡

象也二三四互震為馬四與三同類而不孚于三下絕其

類而上孚于五如馬之亡其儔匹

无咎

占也當位而孚于中實之君故无咎

九五

九居第五畫為中孚之損

有孚

占也有孚如五固結不解如學

其手象與小
畜九五同
无咎
占也中實而得人

上九

上之畫得九
為中孚之節

翰音登于天

象也巽為雞雞曰翰音
謂其羽有文采而能鳴

也豚魚知風鶴知夜半雞知旦皆物之有信者故中孚
彖爻取三物為象上九天之位也雞飛類之走鳴于地

上以孚于人者欲其音
登徹于天則非所能矣

貞凶

占也項氏曰巽雞之翰音
而欲效澤雉之鳴登聞于

天愈久
愈凶

六畫俱九六為
中孚之小過

經彖辭凡十一字又辭凡六十六字和胡卧
切靡忙皮切罷音皮幾讀作既攣力圓切翰

侯案切註好
是虛到切



艮下

○

七之四下之十七緯
八純坎變主九四

小過

此義皇艮下震上之卦而文王名之曰小過小謂陰也為卦陰倍陽半二陽陷于四陰陰過而陽不

及故曰亨

占也蒙卦名小字言小者過盛故小者亨

利貞

占也亦蒙小字言利于小者正主事

也可小事不可大事

占也小人可小知而不可大受也陰柔小人但可以為小事非陽剛

君子則豈可

飛鳥遺之音不宜上宜下

象也小過者陰柔小人過盛而

得志之時也

陽剛君子衰微不得志彖辭上三占既皆

為陰柔小人言矣此之象及下文之占乃為陽剛君子

謀也卦有飛鳥之象三四二陽鳥之身也上下四陰飛

之翼也音者鳥鳴之聲遺者鳥飛過而其鳴聲遺留于

人耳也陶詩曰來鴈有遺聲凡動物飛類屬陽聲音亦

屬陽飛鳥遺之音指二陽而言陰強過盛陽弱不及君

子其可知進而不知退乎若飛鳥然其飛鳴而過也不
宜自下而趨上但宜自上而趨下上則進為盛陰所忌
易以取禍下則退就卑處可以全
大吉 占也大者陽剛
身也至哉聖人處憂患之道乎
時大者非可以吉惟善于自處能辭尊而居卑勇退而
不進如鳥音之下而不上則大者可吉此君子不得志
之時轉凶為
吉之道也

初六

初之畫得六
為小過之豐

飛鳥以凶

象連占也卦以二陽象飛
鳥擬君子此飛鳥謂九四

也過盛之陰傷不及之陽其為正應者乃為敵讎也故
初六害九四者也上六害九三者也九四之凶以初六
而凶也

六二

六居第二畫
為小過之恒

過其祖過其妣

象也六五過其祖而
六二過其妣也陽在

已上者父也在父之上者祖也陰居尊位者妣也故六
二之視九三猶父也視九四猶祖也而六五與九四同
在上體祖之妣也祖之妣處九四之上過其祖也過之
者六五其祖之其指六二而言祖者九四也六二六五
雖非正應然陰過之時以柔中相合故六二往與六五
遇所遇者過其祖之妣也過之者六二其妣之其指九
四而言妣者六五也六五之為妣也過其祖不及其君
而上居二之應位故二得以上應而遇其妣

遇其臣

象也六二不及其君而六五過其臣也下卦艮
九三艮之君也六二君之臣也君之臣處九三

之下不及其君也不及之者六二其君之其亦指六二
而言君者九三也六二往合六五故六五得與六二遇
所遇者不及其君之臣也遇之者六五其臣之其指九
三而言臣者六二也六二之為臣也不及其君而下居
五之應位故五得无咎占也二五當陰過之時而无害
以下應而遇其臣无咎陽之事得中故也五中而不正

二中而正故其爻
辭比六五尤善

九三

九居第三畫
為小過之豫

弗過

象也過謂踰越也九三弗過上
六也九三與上六正應然陽不

及之時豈可踰越于陰上六在上體九三
在下體而不敢上進以就正應是謂弗過
防之象也當如扞

水之防以隄備上六俾不能為已害斯可矣防之扞水
內不得出外不得入則在內者可以避害而在外者不

能加害也九四陽畫連
亘在前象扞水之防

從或戕之

象也若往從上六則
或為其所戕害矣

凶

占也往從上則
凶不往可也

九四

九居第四畫
為小過之謙

无咎

占也无九三之
凶者以居柔也

弗過

象也九四
弗過六五

也九四上與六五比然初六內卦之下九四外卦之下
同在下位不敢踰越而上合于五是謂弗過項氏曰九

三九四二爻為陰所過非遇之象也下與初六為應惟能過人者也故皆曰弗遇遇之當與初六遇而已與初

六過則是退居至下之位也不上而下則往厲必戒也占免為初六所害矣彖所謂不宜上宜下也

若上往合五則危必勿用永貞占也不但不可往五雖當戒之不可往也

亦不可惟退而下就初之位其庶乎大概小過之時陽但宜處下也

六五六居第五畫密雲不雨自我西郊象也九四六五為小過之咸

有九三一陽重蔽其下如雲之密然坎之下畫震而不通則陰上而不下故不雨所以然者九四為主爻陽弱

陰強故陰陽不和不能成雨我西郊謂四也四為酉又互兌體故曰西郊郊者以其在內卦之外也蓋九四不

上合六五何望乎陰公弋取彼在穴象也公謂四彼謂初在穴謂初在坎陽之和而成雨哉

穴之內四與初應猶戈而取彼在穴之物
蓋言四但下取彼初而不上取此五也

上六

上之畫得六弗遇象也上六弗過之象也謂過越

高之位小過者陰過陽不及故九三之弗過弗能過上

六也此云過之上六過九三也九四之弗過弗敢過六

五也六二云過其祖六五過九飛鳥離之象也九三為

四也皆陰能過陽陽不過陰也飛鳥離之象也九三為

詩曰鴻則離之上六變為剛成離離象網罟使九三處

下猶或可避其害儻趨高應上如鳥之上飛冲天則離

于上六之凶占也初六害九四然九四宜應初六上六

網中矣害九三而九三不宜應上六蓋陰過之時

陽剛不宜上宜下九四下應初六則是退于卑下而是

可免凶九三上應上六則是進于高亢而必致凶也是

謂灾青

占也灾謂禍灾青謂過青灾由已取青非已致
單言青者非已所致之青灾青者由已所致之

告也九三剛居剛不退居于下以避禍乃進趨乎上以
取禍其凶乃已所自致也此卦初六與九四九三與上
六兩爻之辭皆相表裏然初六之以凶其辭若急至九
四曰无咎曰厲曰勿用則其辭緩何也九三之或戕其
辭猶疑至上六曰離之曰凶曰灾告則其辭決何也蓋
陰柔過盛陽剛但宜下退不宜上進四居柔則能下也
三居剛則好上也下則凶或可免上則凶不可免矣此
初四之辭所以先急而後緩三上之辭所以始疑而終
決與嗚呼陽剛有不幸而際斯
時者可不知所以自處之道哉

六畫俱六九為

小過之中孚

經彖辭凡一十四字爻辭凡八十字註為陰
為陽云偽切易以以政切卑處昌據切好上
虛到切失
與音余



離下

三之六下之十八經
三陽泰變主六二

既濟

此義皇離下坎上之卦而文王名之曰既濟濟者渡水已竟之名二物相資相成亦曰濟此卦取水

火相成之義水性下以金盛水于上則水不滅火火性上以木傳火于下則火能熱水水上火下已能成烹飪

之功故亨小

占也小謂陰柔也既濟以二為利貞六二

利貞

占也

皆得位故六二主爻其亨者陰柔也故曰亨小

初吉

占也謂內卦六二也柔居離明之中故初則吉終亂也

終亂

占也

謂外卦上六也柔居坎險之極故終則亂

初九

初之畫得九為既濟之蹇

曳其輪

象也二三四互坎為輿為濡輪初在輿後曳之者也

濡

其尾

象也坎又為狐初在狐之後尾之象也

无咎

占也既濟之初可以濟而

守正不遽進也如車將濟水而曳其輪狐將濟水而濡其尾雖不遽濟而終可濟故无咎

六二

六居第二畫為既濟之需

婦喪其茀

象也二五相應猶女之將從夫而需待未行坎輿為

婦所乘之車茀者車後蔽也初在二後而不遽進如車喪失其後蔽而不行故曰喪其茀勿逐七日

得

象也居中守正終必可得故喪茀不待追尋七日之後自得之則可行矣二變為剛成乾七乾數

九三

九居第三畫為既濟之屯

高宗伐鬼方

象也高宗商之賢君武丁也商頌言高宗伐荆

楚荆楚南方之國好巫鬼故曰鬼方伐之者離為戈兵也九三離之終南方之窮處也故象鬼方之國

三

年克之

象也高宗指九五而言自五來三歷三畫三又坎數也為三年克之之象此乃伐遼國久而後

勝之小人勿用

占也小人得此占則不可用故戒以勿用

六四

六居第四畫
為既濟之草
繻有衣袽
象也漢制裂帛邊繻頭以

衣者袽衣之已成而敝壞者四已過既濟之半
凡事過半則有將敗壞之理猶繻之必為袽也
終日戒

象也終日戒者慮其必至于此也下卦離為日
五為日中之時四為將昃之時將昃則漸終矣

九五

九居第五畫為
既濟之明夷
東鄰殺牛不如西鄰之禴祭實受

其福

象也初為東二與之鄰東鄰謂六二也離為牛四
為西五與之鄰西鄰謂九五也禴夏祭五于時為

夏四時之祭夏祭最薄六二當一卦之中有殺牛之盛
祭九五當過半之後但有夏禴之薄祭然六二雖中正

柔豈能自濟也必九五之剛中正應之乃能
成既濟之功故五祭雖薄而二實受其福也

上六

上之畫得六為
既濟之家
濡其首
象也上于人之體為首未
濟取象于濡上六居坎險

之終濟水而將及岸也然陰之柔厲占也雖不至弱如人之濟水將及岸而濡其首厲弱死亦危矣

六畫俱九六為既濟之未濟

經彖辭凡十字爻辭凡六十八字喪息浪切
弗分勿切繻音需祐音如註盛水時征切好

巫虛到切



坎下離上 ○ 六之二下之十八經

未濟

此義皇坎下離上之卦而文王名之曰未濟火

亨

占也六五柔

小狐汔濟

象也三四五互坎為狐剛大柔

也言幾及于上也井卦之水在九五井口之中未出上
六井口之外則曰汔至未濟之狐在六五坎水之中未

登上九水外之岸故曰汜濟蓋六五狐之前體也若至上九則為出水登岸矣未至上九則是幾于濟而猶未

濟也諸家說以下卦之坎濡其尾象也初六連九二在為狐者于辭義皆不協

尾在前水之內後水之中故濡狐身何前幾于濟矣而其尾在後濡于水中則不能濟无攸利也

將濟未濟故无所利

初六初之畫得六濡其尾象也此即彖辭所謂吝也

九二九居第二畫曳其輪象也三四五互坎為輪二在為未濟之晉其後為曳輪君子難進之象

貞吉也

六三六居第三畫未濟征凶占也六三居險極宜于奮為未濟之鼎發而尚在險中是渡水而

猶未濟所濟尚未盡于險則未可行
于陸也未濟而其才弱故行則凶
利涉大川 占也六
剛則二三四成乾上卦變為坎矣而乾健在後能進而
前故利涉也李氏曰蓋濟者可以水浮而不可以陸走
也

九四

九居第四畫為未濟之象

貞吉

占也四陽剛比柔中五故正主事則吉

悔亡

占也陽居

陰宜有悔得所比故悔亡

震用伐鬼方

象也四變為柔二三四成震震謂動其奮發如雷之震也

有離之戈兵為伐居離下畫之陽故為鬼方既濟伐鬼方九三為天子而伐之也未濟伐鬼方九二為諸侯而

伐之也震諸侯象

三年有賞于大國

象也天子伐而三年克之者天子之兵勝也諸侯伐

之而有賞于大國者用兵有功而受賞于天子也大國謂天子之國指五而言五陽位為大九四變為柔三四

五成坤
為國

六五

六居第五畫
為未濟之訟

貞吉

占也六五垂中
故正主事而吉

无悔

占也得中
故雖不當

位而无悔視九四
之悔亡為尤善也

君子之光

象也君子謂九二離日在
天下照地上光被于九二

而為九
二之光

有孚

占也九二為正應
而孚于六五也

吉

占也六五下光于九
二而九二上孚于六

五所以
吉也

上九

上之畫得九
為未濟之解

有孚于飲酒

占也上九與六三應六
三坎體為酒上就三飲

酒而三往孚焉因飲酒而
後有孚故曰有孚于飲酒

无咎

占也當未濟之時因歡
洽而得正應之孚信故


可无濡其首

象也三坎體為水上在人
下就六三飲酒而忘反如
以上體之首上九

入坎水之內故六三之有孚失是占也柔邪易以溺人
水得以濡上九之首也
以至被水濡其首而亦不知則三雖有孚于上而
上下皆失其正是者非之對失是者失其是也

六畫俱六九為
未濟之既濟

經彖辭凡十三字爻辭凡七十字
許訖切註易以以豉切酒彌免切



易纂言卷二